



7  
2-d  
55



Bibliotheca  
Coll. Rom.  
Societ. Jesu

7. - 2. d. 55.

19 61 61  
C C







N I C O L A I

*Collig. Rom.* FIZERBERTI *doc. Jem*

De Antiquitate & Continuatione

*Catal.* Catholicæ Religionis in Anglia, *Inscrip*

&  
DE ALANI CARDINALIS VITA

LIBELLVS.

*Ribb. (and.)* Ad Sanctissimum D. N. *Pitlum*

PAVLVM QVINTVM

PONTIFICEM MAXIMVM.



BIOTICA NAZ.  
ROMA  
FOT. SPANIEL

ROMAE, Apud Guillelmum Facciottum. M.DC.VIII  
SUPERIORVM PERMISSV.

THE DUTY OF A

MAN IN THE

ARMY

AND

NAVY

IN THE

PRESENT

STATE OF THE

UNION

AND

THE

REMARKS

OF

A

MAN

IN

THE

ARMY

AND

NAVY

IN THE

PRESENT

STATE OF THE



SVMMO ET  
SANCTISSIMO PONTIFICI  
PAVLO QVINTO  
NICOLAVS FIZERBERTVS  
SALVTEM AC FELICITATEM.



*NON equidem casu, aut humano consilio, sed diuina planè prouidentia factum, interpretor, ut, cum Clemens Octauus longe Maximus & Sapientissimus Pontifex de viro Principe cogitaret, cui præcipuam curam rerum Anglicarum committeret, Te ante alios (Pater Beatissime) animo destinauerit, verbo elegerit & confirmauerit. Nam neque pietati conuenit nos existimare, supremum Christi in terris Vicarium, cum de re graui & ad Christianam religionem spectante deliberatio-*

nem suscipit, ab alio quàm Christi dirigi spiri-  
tu : & nos pluribus experimentis docti cogno-  
scimus , quando ipse te Anglis defensorem  
constituerit , multò ante prospexisse se , &  
quantus tu futurus esses , & quali patre ac  
patrono fracta res Angliæ ac propè despera-  
ta indigerent . Itaque quasi iam præfagiens ,  
quòd eundem te Deus non ita multò post , in-  
ter ætate grauissimos non adeo senem , & in-  
ter optime meritos nihil minus cogitantem in  
plenitudine potestatis Pontificem in eius locum  
subrogaturus esset ; sic ille prudentissimo consi-  
lio te sibi tunc administrum in huius sollicitu-  
dinis partem assumpsit, ut pro sua in Anglos  
charitate augeret in te magis , non vlla ex  
parte imminueret de his tuis clientibus cogi-  
tationem . Neque sanè credibile est , quòd  
tibi , non innocentia tantum sed pietate  
præcellenti, aut abesse nunc possit in maxima  
fortuna benefaciendi studium , cui in minori  
semper aderat paratissima iuuandi voluntas :  
aut propèse tuæ voluntati deesse queat diuina  
illa bonitas, quæ dignata est tibi tantum adiun-  
gere potestatis . Tantum enim abest , ut a cura  
singulorum eximat illum , quem ad omnium  
curam vocauit , ut ei pro muneris impositi  
ma-



*magnitudine pares vires & firmitatem semper soleat impertire . Vidit nuper Roma & exhilarata est , quòd ignoti ac remoti Congi regis legatum itinerum longitudine , mora , difficultate solum fere unumq; superstitem honorificentissimè receperit Sanctitas tua , & intra triduum ex mortali vita apud te ereptum , summi funeris & destinati sepulchri honore ad posterorum memoriam ornauerit . Nouit , & confirmata est , quod ingrauescente annona , inundante Tyberi doloris tui ut patris , sollicitudinis ut pastoris , liberalitatis ut Principis , periculum fecerit . Et poteritne tanta pietas obliuisci aliquando Regni vicini , votissimi , Sanctæq; huic Sedi deditissimi , quæ Nuncium à disunctissimo tanti fecerit ? poteritne non curare affectos & afflictos omni ob Romanam fidem calamitate , quæ unico Romanorum suorum incommodo tantopere fuerit commota ? Tametsi enim ( Pater Sanctissime ) & isti , & omnes , qui Christi sunt , tui sint ; tamen ex omnibus nulli propiores tibi , nulli magis verè ac propriè sunt tui , quàm qui domestici fidei , tui in Christo viuunt , tibi pro Christo deseruiunt , tuæ Sanctæ sedis gratia patiuntur grauissima , & pro eadem , ut res po-*

scit (poscit autem sapissimè) æquissimo animo  
moriuntur. Sed cur me non contineo? cur in  
his inculcandis insisto, apud tuam præsertim  
Sanctitatem, qua nemo melius Anglos An-  
glerumq; causam nouit, vix quisquam plura  
& certiora optimi in eos studij ac voluntatis  
indicia dedit? A me verò, qui probe mihi  
consciuss sum, quid publica, quid priuata,  
causa ei debeo, ineunda potius ratio in præ-  
sens est, qua conscientia mea debito hoc, aliquo  
officij genere, releuetur. Quamuis enim illa,  
quæ à tanta Maiestate proficiuntur benefi-  
cia, nullam admittant remunerandi vicem:  
isq; ego sim, à cuius tenuitate nihil nisi mi-  
nutum & exile potest provenire: tamen cum,  
hoc præsertim tempore (quo, perfectò iam com-  
pletoq; feliciter Pontificatus tui triennio, pro  
sua quisq; facultate & propensione animi dies  
festos celebrare, & lætitię signa proferre,  
quàm maxima contendit) alterutrum necesse  
sit, ut vel culpetur silentium meum, vel note-  
tur audacia; mallem in officij præstiti exilitate  
videri temerarius, quàm in leuissimam ingra-  
ti immemorisve animi vituperationem taci-  
turnitate incidere. Quamobrem, cum paruum  
ego opusculum, De catholica in Anglia religio-  
ne,

ne, effem elucubratus, statuissemq; vitæ Cardinalis Alani compendium, quod in manibus habebam, edolare atque annectere; omnino mihi faciendum iudicaui, ut ea in publicum edita, Sanctitatis tue nomini venerabundè dedicarem. Nam cui magis debentur ea, quæ religionem attingunt, quàm veræ religionis in terris Principi & arbitro? cui prius Cardinalis vita, quàm cui soli de Cardinalibus, & in Cardinales potestas est? Licet igitur munusculum ipsum leuidense sit filo crassiori, quàm ut venire in conspectum summæ Maiestatis mereatur; atque ipsemet in eo confidentius, quàm par est, me gessisse videar: attamen quia vix aliquid melius, certè nihil maius ab exule & inope aut expectari potest, aut emanare solet: eò libentiùs sub tuæ Sanctitatis patrocinio exire ipsum volui, quò securitas eius ac fidentia sub tanto patrono sit maior, & benignitatis tuæ gloria in rei paruitate illustrior. Ibi enim humanitatis laus præcipua, ubi meriti causa nulla, vel tenuissima. Quòd si verò à tua Beatitudine ita voluntas probetur mea, ut facultatis inopiæ ignoscatur; & ea officij mei ratio habeatur, ut audaciæ venia non denegetur; non erit quod me huiusce confidentia

dentia pœniteat; quæ cum Sanctissimo materi-  
am præbuit exerenda benignitatis suæ, tum  
me nouo vinculo maximi beneficii ita astrin-  
xit; ut quando ad reuerentiam meam aduer-  
sus eum nihil, ad amorem vix minimum quid  
possit adiungi; in eo mihi enitendum in poste-  
rum, & id quàm maximè agendum sit, ut de  
Sanctitatis tuæ beneficijs cogitem assidue, pro  
salute & incolumitate tua vota quotidie fa-  
ciam, & quantuloscūq; obseruantia studiūq;  
mei fructus ad tui tuorumq; debitum obse-  
quium & præconium deferam. Roma 17 Maij  
anno Domini M. DC. V I I I.

DE ANTIQVITATE,  
ET CONTINVATIONE  
CATHOLICÆ RELIGIONIS  
IN ANGLIA.



**L**IRMA & stabilis sententia  
est, non solum assensu om-  
nium ac temporis diutur-  
nitate comprobata, sed quæ  
vna cum seculis & homi-  
num ætatibus etiam consenuit: nihil æquè  
ac religionem valere siue ad populos in  
officio continendos, siue ad cuiuscumq;  
reipublicæ statum corroborandum & con-  
seruandum.

Quare non sine causa tum in reliquis  
nationibus, tum in Romano ante alios  
populo sic semper viguit religionis cultus,  
vt non mirum, dixerit Valerius Maximus:  
*Si in eo Imperio augendo conseruandoq; Lib. 1. c. 3*  
*pertinax Deorum indulgentia excubue-*  
*rat, cuius scrupulosa cura paruula quaq;*  
*religionum momenta examinauerit, neque*  
*remotes vmquam oculos ab exactissimo*  
*cultu carimoniarum habuerit,*

Græci de rebus omnibus aut Delphis, *Cic. de*  
aut ab Ammone, aut à Dodone oracula pe *Diuin.*  
tebant. *lib. 1.*

*De natur. Deor. li. 1.* bant. Nunquam vel fando auditum, ait Cicerò, Crocodilum, aut Ibim, aut Felim ab Aegyptijs (qui ea colere religiosè solebāt) fuisse violatum. Si sacerdos inter Aethiopes Regem mori reipublicæ causa, proprijsq; manibus vitam sibi eripere iussisset, obediendi necessitas ei incumbibat.

*Sirabo. Baptista Fulg. li. 1.* Romana ciuitas, inquit Valerius Maximus, *Omnia post religionem ponenda semper duxit: etiam in quibus summa maiestatis conspici decus voluit. quapropter non dubitauerunt sacris imperia seruire: ita se humanarum rerum futura regimen existimantia, si diuina potentia bene atque*  
*Cic. & Tit. Liuius.* *constanter fuissent famulata.* Itaque apud Romanos summum imperium religioni cedebat: Nil domi, seu militiæ, nisi rebus diuinis procuratis, & consultis antea placatisq; Dijs gerebatur: Vnicum sacerdotis verbum quascunque magistratum electiones abrogabat: Tandem ipsimet Imperatores se Pontifices dicebant. Quid multis? antiquitus Reges, si Aristoteli credimus, rerum sacrarum curā curationemq; habebant. Nec Persarum Rex quisquam, Cicerone teste, esse poterat, qui non ante Magorum (hoc genus Doctorum & sapientum habebatur apud eos, Deorumq; cultui vacabat potissimum) disciplinam ac scientiam percepisset.

Quòd

Quodd si tanta vis religionis innata hominibus, & natura in animo quasi insculpta sit, ut antiquiores isti; etsi in veri Dei, veræq; religionis ignoratione versarentur; necessarium tamen sibi duxerint, aliquam religionis formam speciemq; effingere; cuius obiectu, quasi diuino prolato numine, eos siue seditiosorum civium conatus reprimerent, siue impetus ferociorum cohiberent, quos nullus alioquin legum metus, nulla rationis præscriptio poterat continere: Nonne hoc ipsum multò felicius atque efficacius apud homines *Christiana Religio.* Christianos christiana religio præstabit atque perficiet? quæ à Christo Deo ac Salvatore profecta ac constituta, tanta nititur veritate, ut nullam dubitandi suspensionem admittat. *Veritas.* Quin etiam eius est decoris, & castimonix, ut licet nullis unquàm *Honestas* miraculis fuisset comprobata, tamen ipsa *Pius I.* honestate mereretur sua, quæ ab omnibus *apud Platina.* reciperetur. Eius virtutis & perfectionis, *Perfectio.* ut aliarum religionum vanitates facile detexerit, suorumque errorum portenta, conuicerit apertissimè. Eius immensitatis *Vniuersitas,* ac potentix, ut nullis terminis circumscripta totum mox terrarum orbem complexa sit. Insuper tantæ antiquitatis, ut constet vnâ eandemq; religionis legem, his *Antiquitas.* qui à vera fide nō aberrauerint, cum vsur-

4 *De antiquit. Cath. religionis*

*Consens-  
sus.*

*Continua-  
tio, &  
Unitas.*

*237. Pon-  
tifices Ro-  
mani.*

*Luc. 22.*

param à natura, tum à Moyse conscriptam, demum à Christo Domino perfectam, & omnibus suis partibus expletam, viguisse ab initio, & cum annis & ætatibus simul inueterauisse. Tantæ præterea consensio- nis, vt ab ipso Christo vsque ad hanc æta- tem omnium gentium conspiratio in hu- ius fidei integritate tuenda seruandaq; fue- rit incredibilis; neque hæresis aliqua prius potuerit caput attollere, quin ea breui, ad- hibita primæ sedis auctoritate, consultisq; pastoribus, ab hoc vno consensu, vt à Sole nebula dissipata, conuulsa, extincta sit. Postremò tam mirabilis seriei ac conti- nationis suorum in Ecclesia Romana re- ctorum, hoc est Summorum Pontificum, à Christo nempe, ac Petro. ad Paulum hunc Quintum; qui diuina planè electione nunc Vicarij loco, post ducentos triginta sex alios Pontifices sanctos, ipse sanctissimus & integerrimus Ecclesiam Dei in eadem fide ac sede gubernat: vt perspicuum sit, tã multorum conuenientiam & consensum, quasi cognatione continuatum, in tantis temporum motibus, innumerisq; hæresum passim irruentium procellis. non potuisse conspirare, nisi ipso Spiritu sancto inter- niente, ac Christo orante, ne Petri fides deficeret; sed ipse conuersus, & suos fra- tres confirmans, ab omni eos lapsu & er- ratio.



tatione reuocaret.

Hæc igitur Christi fides atque religio præcipuum omnis Imperij fundamentum ac firmamentum est. Nam potestas omnis à Deo: Deo autem placere sine recta religione impossibile est. Itaque necessaria omnino religio: Nec minùs ipsi Regi, ut ea informatus ad omnem moderationem & iustitiam, charus efficiatur primùm Deo, dein populo suo, qui vlteriùs iam non illum, sed de illo, timebunt (quod Imperij genus diuturnum fore verissimè prædica-  
bat sapiens ille apud Plutarchum Pittacus) quàm etiam subditis, quos in subiectione & obedientia non tantum instituit, sed etiam conferuat. Nam sine pietate virtutum omnium fundamento, vix aut ne vix quidem fieri potest, ut vulgus colla submittat, & se ac iura sua alterius nutui arbitrioq; permittat. Nam cum nemo omnium sit, qui libertatem, qua nil dulcius sibi libenter præcidat: neque vllum reperiatur animat homine læso atque iracundia percito efferacius aut periculosius; utpote qui ingenio valet, inuictusq; est animo, nouitq; sibi ad vires augendas aliarum rerum omnium subsidia comparare: nisi hic sanè religionis reuerentia commoueat, nisi Sacerdotis monitis imperioq; castigetur, nisi conscientia & confessionis

*Religio  
omnis Im-  
perii fun-  
damentum.*

*Cic. pro  
Planco ..*

6 *De antiquit. Cath. religionis*

vinculo, (quæ vel occultissimis peccatis præit obuiam) constringatur; nequicquam certè tam immanem multorumq; capitum belluam intra rationis & debiti muneris septa continere experiemur.

*Conscientia vis maxima.*

*Cic 3. de Oratore . Id. de finib. lib. 1.*

Itaque hæc est illa pulcherrima scientia, quam à Xenophonte tradi filio suo voluit Agesilaus, rara virtute Rex, Obedienti, & Imperandi; quæ maximè perficitur latente religionis ac conscientia: vi: cuius adeo graue est pondus in virtutum & viti-  
tiorum ratione, vt ea sublata iacere alia omnia rectissimè affirmet ille; qui alio loco insuper addit bellam illam sententiam;  
*Quod si qui satis opibus hominum sibi contra conscientiam septi esse, & muniti videntur, Deos tamen horrent; easq; ipsas solitudines, quibus eorum animi noctes & dies exeduntur, à Dijs immortalibus supplicij causa importari putant.* Quare hæc illa est, quæ à scelere reuocat, quæ tutum à seruo dominum, à vicini fraude proximū, pauperem ab iniuria, diuitem ab insidijs, ipsum verò Principem ab omni parte securiorem reddit, quàm si multorum ianitorum satellitumq; excubijs, & diurnis nocturnisq; vigilijs custodiat. Timebunt enim semper qui Deum timent, ne quid machinando ad iniuriam in hominem; aggregent etiam impietatem in Deum eo  
maio-

maiolem, quò maior est is, in quem delinquitur. Minister quippe Dei est quicunq; imperat. Sic enim Apostolus, *Omnia auctoritate potestatum sublimioribus subdita sit; non est enim potestas nisi à Deo, itaque qui resistit potestati, Dei ordinationi resistit.* *Principibus obediendum. Ad Rom. c. 13.*

Iterum, *Obedite prepositis vestris & subiacete illis* Et alio loco, *Admone illos Principibus, & Potestatibus subditos esse, diè obidire, &c.* *Ad Hebr. c. 13. Ad Titum c. 3. Epist. 1.* Et sanctus Petrus, *Subditi estote omni humanae creaturae propter Deum;* *c. 2.*

*sive Regi tanquã præcellenti, sive Ducibus tanquam ab eo missis, &c.* Neque alienum est illud (ut ad diuina hæc aliquid humani adiungamus) Marcelli apud Tacitum, *Bonos Imperatores voto expetendos, quoscunq; tolerandos.* *Histor. lib. 4.* Quod nõ verbo tantum, sed re & exemplo sic docuere Christiani, *Christiani fidelissimi.* ut à Regibus & Imperatoribus exagitati, torti, dilaniati, & ad necem usque fame, vigilijs, igne, ferro, omni tormentorum, & disq; genere excruciat, nunquã ab Imperio defecerint, nunquam ad arma, aut extrema remedia confugerint: Sed viuientes continuas preces pro Imperatorum salute fuderint; sic morientes quoque pro Imperij eorum conseruatione extrema sua vota nuncuparint.

Ex quo perspicuum est, præcipiente Christo, prædicante sacerdote, operante

conscientia, monente ac mouente ipsa religione, in tanta securitate constitutum, esse, qui Christianis verè catholicis imperat; vt sine omni tumultus, insidiarum, prodicionis metu in vtrāuis (quod aiūt) aurem possit obdormire; neque de suæ vitæ, status, quietis perturbatione grauiori pertimescere.

Quòd si verò secùs quandoque eueniat; atque ex infinita hominum multitudine alter aut tertius reperiatur tanta effectus immanitate, tam aduersus religioni, tam auersus à Deo, vt rationem appetitui, legemque Dei libidini hominis subiiciens, naturæ iura peruertere, fidem violare, in reipublicæ cladem, aut Principis caput machinari non perhorrescāt; nonne hi monstra veriùs hominum sunt ac prodigia existimandi; quàm vt ex horum scelere pars aliqua in aliorum exitium, culpam, infamiam deriuetur? Profectò vt vix supplicium aliquod excogitari potest partialium meritis; ita neque aut crudelius quidquam, aut iniustius, quàm pœnas illas, quæ impiorum temeritati ac maleficio sunt constitutæ, vel iræ motu turbido, vel obscuræ, & tenuis suspicionis odore repetere ab innocentibus.

Quibus ex rebus cùm manifestum iam sit illud quod in initio posuimus, Reipublicæ

blicæ incolumitatem non tam vi, aut lege, aut præmio, aut pœna, ab homine constitutis, quàm religionis sanctitate ac veneratione conseruari; neque aliam esse nisi Christianam, & Catholicam, quæ religio verè dici & haberi possit: inspiciamus nunc quidem ( quod ad nostrum institutum propius accedit ) quibus fundamentis nixa hæc Christi fides, & qua ratione introducta, tam altas radices in animis hominum à primo egerit, ut in remotissimas quasque orbis partes sine mora peragrata, & peregrinata sit. Inde enim vel maximum eiusdè fidei momētum, potestatem, præstantiam, licebit animaduvertere.

*Religio  
temp. con-  
seruat.*

Magna fuere illa, quæ sublato in cælum Christo Salvatore, eius Apostoli polliciti sunt Christum sequentibus, in eumque credentibus; Spiritus sancti gratiam, virtutū perfectionem, rectè factorum ac vitæ probè actæ præmia amplissima eaq; diuina, felicitatem post mortem, & regnum cum Christo sempiternum. Magna & plena admirationis quæ promissa hæc confirmabant, Orationis facultas, quia omnium, linguis loquebantur; scientia perfectæ, ut quæ diuinitus infusa; constantia, animiq; altitudo ante eam diem inaudita, quippe quæ gaudebat in contumeliis, in paupertate gloriabatur, in vinculis se efferebat, exul-

*Christia-  
norum  
præmia.*

exultabat in cruciatu, in morte triumphabat; Signa denique & miracula, quæ naturæ vim in cunctis morborum generibus curandis excedentia, eos, qui viderunt & audierunt, cælestem in ijs superamq; virtutem venerari compellebant. Verum omnium, quæ in ijs cernebatur, nihil præstabilius, nihil ad rudes animos inflectendos efficacius apparebat, quàm ratio vitæ orationi suæ haud dissimilis, & actiones omnes sua verba plenè ac perfectè exprimentes, cum quæ ore prædicabant opere multo magis exquebantur.

*Vita orationi congruens.*

Veruntamè neque hæc præstabant Apostoli tantum, aut docti Christi voce discipuli eius præstiterunt enim & reliqui, qui multis seculis hos secuti, in nationibus ad Christifidem traducendis laborarunt. Qui quidem (vt ex eadem omnino schola disciplinaq; profectos agnoscas) vitæ suæ rationes omnes ad horum normam & exemplum planè conformarunt; diuinissimasq; illas primorum patrum virtutes ad posterorum cognitionem mirationemque quasi viua imagine expressas transtulerunt.

Quorum sanè numerus, quia infinitus est; & quia mihi propositum non est aut omnes aut plurimos colligere; me intra limites Anglicani soli nō tantum cohibebo; sed, ne in immensum crescat oratio, ex  
valde

valde multis sanctissimis religiosissimisq;  
 viris, quorum opera in Anglia summope-  
 re enituit, perpaucos seligam, breuiterq;  
 indicabo; qui vitam suam instituentes ad  
 Apostolorum præscriptum, in hoc supre-  
 mo cælestiq; opere vrgendo longè præcla-  
 rissimis maximisq; laboribus sint perfun-  
 cti. Id quod Venerabilis ille Beda loquens  
 de primo Beati Augustini Monachi in An-  
 glia ingressu præclare confirmat. In cuius  
 viri auctoritate testimonioq; eò libentiùs  
 acquiesco, quòd viuum eum ob doctrinæ  
 præstantiam maximi fecerit tota Chri-  
 stianitas; mortuum verò venerata sit, ob  
 scriptorum suorum fidelitatem memo-  
 riamq; vitæ sanctissimè actæ, vniuersa po-  
 steritas. Sic igitur ad verbum dicit. *Vbi*  
*datam sibi à Rege mansionem Augusti-*  
*nus & socij intrauerunt, cœperunt Apo-*  
*stolicam primitiua Ecclesiæ vitam imita-*  
*ri. Orationibus enim assiduis, vigilijs, iei-*  
*nijs seruiebant: verbum vitæ, quibus pote-*  
*rant, prædicabant: cuncta mundi huius ve-*  
*lut aliena spernebant: ea tantum quæ vi-*  
*ctui necessaria videbantur, ab his, quos do-*  
*cebant, accipiebant: Secundum ea, quæ do-*  
*cebant, ipsi per omnia viuebant: & paratum*  
*ad patiendum aduersa quæque, vel etiam*  
*ad moriendum, pro ea, quam prædicabant,*  
*veritate, animum habebant. Addit ergo.*

*Quid*

*Beda lib.*  
*1. histo.*  
*Eccles. de*  
*gestis An-*  
*glorum*  
*c. 27.*

12 De antiquit. Cath. religionis

Quid morā? Crediderunt nonnulli, & baptizabantur, mirantes simplicitatem innocentis vitæ, ac doctrinæ celestis eorum dul-

Quibus  
armis vi-  
ta: infide-  
lium.

cedinem. hæc Beda. Etenim hisce armis atque his artibus victa infidelitas, ac Christianæ veræq; religionis fundamenta per terrarum orbem sunt iacta: hac eloquentia Christi nomen ac fides omnibus populis prædicata, & persuasa est; simplicitate nimirum, & innocentia vitæ, suspicientis cælum cælestiaque, despicientis quæ terræ sunt, & infera omnia; neque in alio gloriantis præterquam ipso Iesu, eodemq; crucifixo.

Quis autem ille fuerit, qui primus in Angliā Christum prædicavit, incertū apud authores est. Illud tamen pro certo, saltem pro valde probabili habetur; haud longo post Christi è terris discessum, in cælosque ascensum interuallo, inter alias insulas etiam in Britanniam salutis æternæ Euāgelium ab ipsis Apostolis, aut eorum auditoribus fuisse illatum.

Tertul.  
contra  
Iudeos.

S. Petrus.

a Ad 29.

Iunii.

b In de-

scrip. Bri-

tan. Ro-

mani in

Britānia.

Sunt qui affirmant Petrum Principem Apostolorum Christianæ in Britannia religionis principem fuisse authorem. In his a Simon Metaphrastes, b Camdenus, c Nicephorus, d Baronius.

Quin etiam Diuum Paulum sempiternæ felicitatis nuncium Britannis appor-

tasse,

c lib. hist. 3. c. 1. d Tom. 1. Annal. an. Christi 58. S. Paulus.



tasse, non solum a Theodoretus, & b Sophronius; sed etiam Venantius, Fortunatus ante mille annos scribit his verbis, Paulus, inquit,

*Transit & Oceanum, & qua facit Insula portum,*

*Quasq; Britannus habet terras, & vltima Thule.*

Nec desunt, qui testantur Simonem Cananæum agnomine Zelotem Britanniae Insulae æterni verbi præconium impertiuisse. c Nicephorus, d Dorotheus, & e Baronius.

Idem quoque Dorotheus ac f Baronius, præterea etiam g Hermannus asseuerant, Aristobolum Sancti Petri discipulum ab eodem ex Gallia missum ad Britannos, ut ad veram eos fidem institueret, & erudiret.

Iosephum verò ab Arimathia in Britannia vixisse; & morientem in eadem sepulchrum inuenisse, vno fere ore antiquitus traditum, credidit posterior ætas: Nā factus comes itineris Beatæ Mariæ Magdalene: cum Palæstina relicta se in Prouinciam Galliae transtulisset; ablegatus postea siue à Petro, siue à Philippo Apostolis in Angliam fuit, ut ei populo verba æternæ vitæ traderet. Quod munus posteaquam cumulatè aliquandiu, & vberi cum fructu

præ-

a Decur. Græco. affect. lib 9. & ad Timoth.

b Sermo de nat. Apostol. Simon Cananæ

c Lib. 2.

c. 4. e.

d In Synop.

e In Martyr. 28.

Oslob.

Aristobolus.

f Marty.

25. Martii.

g In the-

at. de

conuers.

gentium.

Iosephus.

præstitisset; Mariam Magdalenam ipsius  
 vestigijs persequens, sese cum alijs octo,  
 aut decem socijs gloriosi laboris sui con-  
 sortibus, in locum quendam, tunc Auallo-  
 nam insulam, post Glassenburiam dictam,  
 à frequentia populi remotiorem, recepit.  
 In quo solitarius reliquum quod erat vitæ  
 sanctissimè transegit: obdormiscensq; in  
 Domino, monumenti sui locum visendum  
 ab omnibus, atque honore tantis meritis  
 ac pietate digno prosequendum reliquit.

Sed in his, quæ iam dicta à me proximè  
 sunt, scrupulus fortè aliquis apud curiosio-  
 res rerum æstimatores propter obscurio-  
 rem testimoniorum fidè resideat, hoc cer-  
 tè quod sequitur sic est traditum, sic nemi-  
 ne refragante comprobatum ac receptum,  
 vt contradicere summæ esset aut ignora-  
 tionis aut impudentiæ. Circa annum à Do-  
 mini incarnatione centesimū quinquage-  
 simum sextum, Eleutherius Pontifex Ro-  
 manus, litteris & nuncijs Lucij id tempo-  
 ris Britannorum Regis prouocatus, duos  
 misit illuc Antistites, Fugatium & Damia-  
 num, vel vt alij, Fuganum, & Dauanum,  
 qui honestissimæ regis postulationi satis-  
 facerent; eiq; credenti iam, ac probè, vt  
 oportebat, instituta Sacramenta Christia-  
 næ fidei administrarent. Nec mora initia-  
 ti Regis sui exemplum secuti populi, cæle-

sti

*Polyd. Vir  
 gil hist.  
 Angl lib.  
 2. Cæden.  
 in descr.  
 Britan.  
 prouinc.  
 Belg.*

*Eleuther-  
 rius Pa-  
 pa.*

*Lucius  
 Britanniæ  
 Rex, pri-  
 mus Rex  
 Christianus.*

*Beda li. 1.*

*c. 4.*

*Polyd. Vir  
 gil. lib. 2.  
 Baron.*

Hi lauacro mundantur. Ecclesiæ passim cōsecrantur; atque viginti octo, quia antea fuerant Flaminum sedes, totidem Episcopium Archiflaminum tres Archiepiscopi obtinent. nam primus horum Londinum; alter Eboracum; tertius Legionum (quæ hodie Cestria) ciuitatem occupauit.

*An. 1009. 2  
ann. 183.  
Asser.  
Flor. hist.  
Galfr. Monument.  
ls. 4. c. 14.*

Neque reliquis deinceps temporibus Christiana fides Britannos aliquando defecit. Prostrata valde iacuit Diocletiana, persequutione afflicta atq; est variè Ariana & Pelagiana hæresibus; Saxonum incursionibus, & cum alijs quibusdam, tum malè obseruari Pascharis erroribus. Sed neque ea omnia, neque hæc præsens, quæ opprimit vexatio, incertum maior, an diuturnior; tantum potuerit, aut, Deo propitio, poterunt vnquam: vt catholicam ex Anglia fidem, tot sanctorum sudore ac sanguine consecratam, expellere & exterminare valeant.

*Fides in  
Angliam  
defecit.*

Minimè dubiam horum fidem & sequēs faciet narratio, & authoritas locuples non solum Gildæ & aliorum, quos iam adduximus; sed illud in primis Iosafini Furnes testimonium; qui libro suo de Britannicis Episcopis, Archiepiscoporum Londinensium Theanum primum numerat; quem asserit viuente adhuc Lucio Rege templum Sancto Petro, sibi sedem ædificasse: Secundum

*Stoës in  
Chron.*

dum Clauum, qui bibliothecam eidem Ecclesie adiunxit: Deindè alios suis nominibus designat vsque ad Vodinum, qui tertius decimus illam Ecclesiam rexit, donec à Saxonibus, qui primi in Britanniam impetum fecerant, fuerat occisus. Tamen enim nos tum scriptorum penuria, tum paucitate librorum, nullos fermè primorum illorum temporum, nec multos proximorum sequentium testes excitare, & ex annalium monumentis eruere possimus: tamen quemadmodum in prima illa nascente iam Britannica Ecclesia (quæ solent esse præclara rerum initia, maxime fidei) credibile est, quamplurimos in omni genere virtutis insignes viros floruisse: Sic ex ætatibus illis, quæ subsecutæ sunt, eadem adulta, nonnullos recensebimus eius authoritatis atque approbationis, ut nullus locus dubitandi ampliùs relinquatur.

*De scriptor. Ecclesiast.*

*Fastidius Priscus.*

Tradunt Trithemius, & alij, circa annũ salutis humanæ quadringentesimum vigesimum, fuisse in maximè laudandis Londinensibus Episcopis Fastidium Priscum, vita innocentissima, doctrina exquisita, assiduum in prædicando, efficacem in persuadendo. dignus aureo illo seculo Antistes, qui vita perinde ac verbo continuo docens, non venerandus minùs, quàm sequendus videbatur.

Hym-

Nyma, seu Nimianus ex Regio Britan- *Nyma,*  
 norum sanguine oriundus, adolescens pe-  
 tijt Italiam; & Romæ apud diuini verbi  
 ministros mysteria veritatis plenè edoct<sup>us</sup>  
 in patriam remigravit: Pictos australes ab *Picti, qui*  
 infidelitate auocatos, Christianorum albo *nunc Sco-*  
 adscripsit: duplici gloria decorandus, tum *ti nomi-*  
 quod zelo ardens veritatem ijs, qui eam, *nantur.*  
 ignorabant, tradere ante omnia cupiebat;  
 tum quod non alio, quàm à Romana Sede, *Roma ma-*  
 Christianæ religionis matre, ac perenni *ter reli-*  
 incorruptoq; veritatis fonte petendam, *gionis.*  
 illam euocandamq; existimauit. Moritur  
 anno Christi 422.

Eodem ferè tempore & Palladius Græ- *Palladius*  
 cus Doctor insignis, à Cælestino Pontifice  
 Roma mittitur ad Scotos. Et Patricius na *Patrici<sup>us</sup>.*  
 tus Senatore Britanno, matre verò cum  
 Diuo Martino Turonensi sanguine con-  
 iuncta, eisdem in Hybernia Scotis verbum  
 Dei annunciauit annos quadraginta, do-  
 ctrinæ & sanctitatis laude clarissimus. Hic  
 multas extruxit ecclesias; multos curauit  
 infirmos; vexatos à dæmonibus liberauit;  
 mortuos triginta tres ad vitam reuoca- *Isidore*  
 uit; quadraginta diebus continuis ita fuit *in Vita*  
 ieiunus, vt nihil gustaret; nec interim ta- *S. Patric.*  
 men in docendo erat cessator. Vt dignum *Beda.*  
 sanè admiratione sit, & hunc in Christo *Prosper*  
 imitando exprimendoq; tam fuisse studio- *in Chron.*  
 sum; *Sigeb.*  
 B

sum; & Christum in isto cumulando gratia ac beneficijs largum adeo & liberalē.

*Dubriti<sup>9</sup>.* Dubritius Britannia Primas, & Apostolica Sedis Legatus, tanta cum Deo in gratia erat, ut quoscunq; languores oratione sanaret: tanta rerum caelestium amore flagrabat, ut sede relicta, vitam Eremiticam amplexus sit. Potens in opere; in contemptu mundi potentior. vix. anno Domini 522.

*Galf. Monu. lib. 9. c. 12. 13.*

*David Meneuensis.*

In huius locum successit David Meneuensis, auunculus Regis Arturi, inuicti fanè Principis, sed de quo commentitia multa antiquorum ætas fabulata est. Hic vir religiosissimus, in præceptis æternæ vitæ tradendis indefessus, morbos omnis generis diuina pellebat virtute; Ariana hæresis flammam in Britannia extinxit; duodecim monasteria à fundamentis erexit: in vita ad annum ætatis centesimum quadragesimum sextum permansit; A Calixto Secundo in Sanctorum numerum relatus est, anno salutis 540. Afferat quis in mediū multos assiduos, at non pari fructu; aliquos cū Arianis contendentes, at non superantes; nonnullos maximi animi, sed disparis facultatis; huic verò quem antepones? qui omnia à se perfectè adimpleta esse, caelestium signorum testimonium habere meruerit.

Cir-

Circa annum Christi Saluatoris quin- *Columba*  
 gentesimum sexagesimum quintum Colū- *Abbas,*  
 ba Abbas præclarissimus Pictis septem-  
 trionalibus (qui nunc Scoti) Christum de-  
 nunciavit; ad eumq; amplectendum gen- *Beda li. 3*  
 tem illam exemplo vitæ perindè atque *c. 4. hist.*  
 oratione traduxit. Successores magna con- *Eccles.*  
 tinentia, diuino amore, regulari institu-  
 tione insignes ex sua disciplina reliquit.  
 Adeò vt non minùs in discipulis multo-  
 rum post se seculorum, quàm in seipso fue-  
 rit apud posteros celebritate famæ, & vir-  
 tutum opinione nobilissimus.

Kentegernus Abbas in Monasterio Ban- *Kentegen-*  
 gor trecentos monachos sub se habuit, *nus Ab-*  
 quos passim ad prædicandum amandabat; *bas.*  
 multos apostatas ad salutarem pœnitentiam  
 reduxit; Pelagianam hæresim oppres-  
 sit, & in Britannia sustulit; morbo laboran-  
 tibus ministrare ipse, submissionis & cha-  
 ritatis ergo, solebat: In omni victu conti-  
 nentia summa usus est: vitam suam ad an-  
 nos vsque centum octoginta quinque  
 propagauit. Quid virtutibus eius præstan-  
 tius? quid quæstuosius? quibus deprauatos  
 correxit; hæreticos ab errore auertit; ra-  
 lis denique in imperio fuit, vt officijs ani-  
 mos hominum, charitate ac submissione  
 bonitatem Dei sibi conciliauerit.

Ab hoc tanto Magistro non dispar di- *Asaph,*

B 2 scipu-

scipulus Assaph fuit ; qui primus omnium Britannorum ab his, qui à Gregorio Magno in Angliā missi erant, consecratus in Episcopum, tanta celebritate virtutis, ac gloriæ vixit, vt nomen à suo nomine Episcopatus accipiens, Assaphensis à posteris sit nominatus .

Horum perantiquorum agmen claudet Gildas ille monachus, poëta & historicus illorum temporum religiosus, ac nobilis, quod partim quidem ex epistola illa de excidio, & conquestu Britaniæ (nam alia eius opera non vidi) colligi potest . Cuius sanè dictio, etiam si sit horridior, nec aperta satis: est tamen eiusmodi, vt inde appareat, cum multa eum pietate, tum varia doctrina, acriq; iudicio fuisse ornatum; sine quibus sapientis nomen nunquam esset consecutus .

Atque hi ferè omnes inter Britannos ante annum à Christo nato quingentesimum nonagesimum quartum ; id est, ante sancti Augustini in Angliam aduentum, floruerunt.

Vnum est in ea, quam diximus, Gildæ epistola, ab eo pie animaduersum, nec à me silètio transeundum: Nullam tunc obuenisse Britannico populo calamitatem, quam spreta religio, ac vita grauissimè inquinata sceleribus à Deo, vel ( vt ita dicam )

*Calamitas omnis  
provenit  
à peccatis.*



cam) inuito, non expressissent. Hinc enim tres illæ, quas commemorat, à Scotis & Pictis vastationes; hinc fames; hinc pestis; hinc denique eorum seu cæcitas, seu desperatio tanta; vt ipsimet, quasi mente alienati, eos ad se vltro vocarent atque allicerent, quos in scelerum suorum iustam meritamq; ultionem diuina prouidentia ordinasset. Sic enim Gildas. *Talis inter Britannos auditur fornicatio, qualis nec inter gentes; odium veritatis cum assertoribus, amor mendacij cum suis fabricatoribus; susceptio mali pro bono; veneratio nequitia pro benignitate; cupido tenebrarum pro sole; acceptio Satana pro angelo lucis.* (Et paulo post) *Reges habet, sed tyrannos; Iudices, sed impios, sape pradantes & concussientes, sed innocentes; magnates & priuatos habet patrocinautes, sed reos & latrones; quãplurimos cõiuges habentes, sed scortantes & adulterantes; crebro iurantes, sed peierantes; vouentes, sed propemodum continuò mentientes.* Deinde post increpationes in varios tyrannos, demum inuehitur in sacerdotum impietatem, inquiens: *Sacerdotes habet Britannia, sed insipientes; quamplurimos Ministros, sed impudentes; Clericos, sed raptores, subdolos; Pastores, vt dicuntur, sed occisione animarum lupos rapaces; quippè non com-*

*Epistola  
de excidio  
& conquestu  
Britannia.*

B

3

moda



*moda populi prouidentes, sed proprij plenitudinem ventris quarentes.*

*Hæc & alia multa Gildas congerit vitia, quibus constricti Britanni, cum omnem virtutis cogitationem abieciissent, pœnas Deo per manus Anglorum (quos, ut Bedæ verbis utar, tantum oderant, ut ijs secum Britanniam incolentibus nunquam verbum fidei prædicandum committeret) vel fuga sua; vel seruitute dedere.*

*Nec aliter postea ipsimet Angli, quando rebus suis & secundis nimium elati; & tot tantisque in se diuinis abutentes beneficijs, in similia aut maiora fortè vitia sine prolapsi; Normanico populo prædæ ac direptioni fuere. His enim verbis utitur ille, qui Bedæ historiam de rebus gestis Anglorum continuauit; Mores Anglorum varij admodum pro temporibus fuerunt. Nam primis annis sui in Angliam aduentus vultu & gestu barbarico, usu bellico, ritu fanatico vivebant. Sed postmodum Christi fide suscepta, paulatim, & per incrementa temporis, pro otio, quod ætitabant, exercitium armorum in secundis ponentes, omnem in religione operam insumpsere. Taceo de pauperibus, quos fortunarum tenuitas plerumque continet, ne cancellos iustitiæ transgrediantur. Prætermitto graduum ecclesiasticorum viros, quos non*

*nun-*

nunquam professionis contuitus, sed & infamia metus à vero deuiare non desinit. De Regibus dico, qui pro amplitudine potestatis licenter indulgere voluptatibus possent; quorum quidam in patria, quidam Roma, mutato habitu caeleste lucrati sunt regnum, beatum nacli commercium. Multis specie tenus tota vita mundum amplexi sunt, ut thesauros egenis effunderent, monasterijs diuiderent. Quid dicā de tot Episcopis, Eremitis, Abbatibus? nonne tota Insula sanctis reliquijs indigenarum fulgurat? ut vix aliquem vicum insignē prae-tereas, ubi noui sancti nomen non audias? veruntamen literarum & religionis studia etate procedente obsoleuerunt, non paucis ante Normannorum aduentum annis. Clerici literatura tumultuaria contenti, vix sacramentorum verba balbutiebāt. Stupori erat & miraculo ceteris qui Græmaticam noscet. Monachi subtilibus indumentis, & indifferenti genere ciborum regulam ludificabant. Optimates gula ac veneri dediti, ecclesiam more solito manē non adibant: sed inter cubicula & uxorios complexus, matutinarum & missarum solemnia à festinante presbytero auribus tantum libabant. Vulgus in medio expositum praeda erat potētioribus, ut vel eorum substantijs exhaustis, vel etiam corporibus in

Regum  
pietas.

longinquum distractis, acervos thesaurorum congererent: quamvis ingenitum sit illi genti comestationibus magis, quam opibus inbiare. Illud erat à natura abhorrens, quòd multi ancillas suas, ex se gravidas, ubi libidini satisfecissent, aut ad publicum prostibulum, aut ad externum obsequium venditabant. Potabatur in commune ab omnibus, in hoc studio noctes perinde ac dies perpetuantibus; in cibis urgentes crapulam, in potibus irritantes vomitum; sequebantur vitia ebrietatis socia,

Vitia Anglorum  
Normanis  
eos prædâ  
fecerunt.

qua virorum animos effeminant. Hinc factum est, ut magis temeritate & furore præcipiti, quàm scientia militari cum Gulielmo Normanno congressi, vno prælio & ipso perfacili servituti se, ac patriam pessundederunt. Sed hac mala de omnibus Anglis generaliter dicta nolim intelligi. Scio clericos multos tunc temporis simplici via sanctitatis semitam triuisse: Scio multos laicos omnis generis Deo in eadem gente placuisse. Fâcesat ab hac relatione invidia: non cunctos pariter hac inuoluat calumnia: verum sicut in tranquillitate malos cum bonis fouet plerumq; Dei serenitas; ita in captiuitate bonos cum malis eiusdem constringit seueritas.

Hæc ille de Anglis, qui cum mores etiã Normannorum explicasset, subiungit: Religio-

ligionis normam usquequaq; in Anglia <sup>Norman-</sup>  
 euerfam, aduentu suo suscitauerunt. Vi- <sup>norm-</sup>  
 deas ubique in villis Ecclesias, in vicis & <sup>religio.</sup>  
 urbibus monasteria, recenti ritu patriam  
 florere: ita ut sibi perisse diē quisquis opu-  
 lentus existimet, quem non aliqua praeclara  
 munificentia illustret. Ut non mirum, nec  
 falsum videri debeat, quod idem author af-  
 firmat, diuinitus fuisse sancto Brituoldo  
 Episcopo ostentum: qui de regia Anglo-  
 rum progenie, iā penè extincta sollicitus,  
 videre meruerit Eduardum illum (qui tan-  
 ta sanctitate miraculisq; in vita claruerit,  
 ut postea sit meritò in sanctorum numero  
 recensitus, & Confessor appellatus) fore  
 non itā multò post Angliæ Regem; sed cæ-  
 libem; nec propterea tamen debere se aut  
 laborare de eo, aut conqueri; eò quòd Re- <sup>Regnum</sup>  
 gnum Anglorum cum Dei esset, Deum illi <sup>Anglorū</sup>  
 de Rege post Eduardum ad sui placitum <sup>Dei est.</sup>  
 prouisurum.

Longiora hæc quibusdam videri fortè  
 possunt, neque instituto à nobis sermoni  
 adeò omnino conuenire: attamen, ut in-  
 spe sumus nonnulla, horum lectionem non  
 futuram ijs, qui istius gentis historię, &  
 morum cognitione delectantur, aut grauē,  
 aut ingrata; ita nullo modo dubitamus,  
 quin eorundem contemplatio possit esse  
 omnibus, & ad vitæ suæ vsum, & ad exem-  
 plum,

plum, admodum necessaria. Pergamus igitur nonnullos ex ijs commemorare, qui seniores illos Britannos sunt secuti, atque inceptum ordinem persequamur.

*Anglorum conuersio.* Instabat iam Sexta ab ortu Saluatoris ætas, id est, annus sexcentessimus; cum Gregorius ille Magnus in suum Summum Pontificem à Deo assumptus, cœperat de Anglorum saluari conuersione (de qua aliquantò antea fuerat sollicitus) non iam amplius cogitare, sed laborare vehementius.

*Lib. 1. c. 3.* Nam instinctu diuino, inquit Beda, admonitus, non modò seruum Dei Augustinum, & complures alios cum eo Monachos misit prædicare Anglorum genti verbū Dei, sed etiam eosdem inertī timore perculsos in itinere, & cupientes reuerti erexit, in incepto confirmauit, neque instare, vrgerē, impellere destitit, donec opus susceptū felici auspicio, multò feliciter perfecissent. Breui igitur effectum est Gregorio adhortante, Deo auxiliante, Augustino ac socijs nauiter laborantibus & indefessè prædicantibus, ut ita ad Anglos peruenerit Christiana religio, ut centum paulò amplius annorum interuallo, non solum Insulam omnem, gentemq; totam amplexa sit; sed etiam eam effuderit copiam virorum omni virtute & doctrina præcellentium, ut alibi haud facillè reperiēs vno in loco, & in

*Multi viri magni in Anglia.*

& in vna gente, plures numero, superiores eruditione, pietate magis insignes viguisse.

Neque verò illud in minima parte illius seculi felicitatis poni debet, quòd in eo natus Dei benignitate Beda ille sit, qui scriptis, monimentisque, dignis æternitate, virorum illorum diuinas excellentesq; virtutes ab obliuione vindicatas, ad Dei Opt. Max. gloriam, posterorumq; documentum, memoriæ commendaret sempiternæ.

Talis autem vir fuit Augustinus iste, *Augustinus Monachus.* qualem eum esse æquum est existimare, quem tali muneri, maximo omnium & diuiniſſimo, quasi à Deo destinatum, sanctus ille sapientissimusq; Pontifex Gregorius non solum delegerit, sed etiam præfecerit. Is igitur post Regem Ethelbertum & populos eius ab Idolorum cultu ad Christi veri Dei cognitionem perductos, post multa præclara opera non sine miraculo perpetrata, postq; Ecclesiam Cantuariensem tredecim annis purè religiosèque administratam, perindè apud homines honoratus, atque acceptus Deo, ad eundem ex corporis carcere, & ab hominibus ereptus, euolauit.

Cuius zeli pietatisq; authoritas & exemplum tantum valuit apud Antistites eius *Multis Cæsariorum.* suq;

*ses Archi-  
episcopi  
sancti.*

successores; ut ex ijs sex septuaginta, qui proxime suo ordine eum sunt secuti, meruerint sanctitate sua, & vita innocentissime transacta, qui publica approbatione in celestium civium societatem communionemque adscriberentur. Id quod alijs pluribus posteriorum ætatum Pastoribus eiusdem Ecclesiæ accidisse confirmat Gerardus Vossius, vir doctissimus, & in multis diligentissimus, qui omnes ab Augustino Cantuarienses Archiepiscopos in Catalogum, ex ipsius ecclesiæ tabulis olim collectum coniiecit, & ante triennium in lucem dedit. Cuius opera nobis excusationi esse potest, si eos pluribus verbis recensendi cum labore nostro, tum aliorum fastidio supersedeamus. Quare cæteris omisissis, Theodori tantum illius ex Tharso Ciliciæ Græci, viri singularis mentionem hic faciemus, qui à Vitelliano Romano Pontifice creatus Archiepiscopus Cantuariensis, atque in Angliam cum Adriano Abbate missus, sextus post Augustinum illam sedem tenuit, miro omnium ordinum applausu; à quibus suscipiebatur, audiebaturque libentissime. Erat enim diuina humanaque literatura, Græcè & Latine apprime instructus, probis moribus, ætate venerandus. Quocirca scholas cum Adriano habere cepit: in quibus, magnis hominum cœtibus audiendi studio sociatis,

*Theodo-  
rus Græ-  
cus doctis-  
simus.*



ciatis, vna cum scientia salutari, reliquas quoque artes, quibus liberales doctrinæ & ingenuæ continentur, tradidit ea facultate, vt ex vberissimis suis sermonibus mox extiterint perdocti multi, ac celeberrimi viri. *Atque Theodorus iste, ait Beda, primus fuit in Archiepiscopis, cui omnis Anglorum Ecclesia manus dare consentiret.* additque; nunquam prorsus, ex quo Britanniam petierint Angli, feliciora fuisse tempora; dū fortissimos Christianosq; habentes reges, cunctis barbaris nationibus essent terrori; & omnium vota ad nuper audita caelestis regni gaudia penderent; & quicumq; lectionibus sacris cuperent erudiri, haberent excellentes in promptu magistros, qui docerent. Sed pergamus reliquos breuiter complecti.

Paulinus vnus ex ijs, qui cum Augustino in Angliam venerant, nihil ab eius virtute zeloq; degenerauit. Nam ad Northumbros profectus, tantum sedulitate, opera, exhortatione profecit, vt Eduini Regis animum, diu multumq; repugnantem, expugnauerit, & ad agnitionem veritatis cum populo, in quem imperium tenebat, adduxerit, vnde Episcopus Eboracensis creatus est. Nec multo post tamen varijs afflictatus periculis & laboribus, fugæ etiam, longinquæ incommodis, tandem in Rosenti acquieuit Ecclesiæ; in eademq; ple-

Lib. 4

Beda li. 3

c. 14

*An. 644.* nus annorum diem clausit extremū. Laborantibus in causa Dei relinquēs exemplū, ne aut territi difficultate desisterēt ab incepto, aut longa cuiusquam obstinatione aut mora de salute eiusdem desperarent.

*Aidanus  
vir mitis  
simus.*

Huic ut ætate, sic loco & gradu coniunctus erat Aidanus Scotus, ad Osuoldum Regem eius rogatu & accersitu ex Hibernia a blegatus, homo si quis alius omni virtute perfectus, mansuetudine in primis, ac moderatione; quibus tum seipsum vincebat, tum animos omniū sibi deuinciebat.

*Rex Epi-  
scopo in-  
terpres.*

Populum docens, cuius linguam ignorabat, Rege ipso interprete, rarissimo exemplo utebatur. Tempus, quod a docendo illi vacabat, totum in diuinā lectione & oratione ponebat. Quæ a diuitibus ei dabantur, ea mox pauperibus dispartiebat, In magnates delinquentes asper; in ceteros mitissimus; ut quibus imbecillis adhuc ac quasi infantibus lac mollioris doctrinæ esset, secundum Apostoli disciplinam, porrigendum. Adeo in nullo deficiebatur, in quo aut Doctoris auctoritatem, aut sollicitudinem pastoris, aut Episcopi vigilantiam, aut prudentis optimique viri officium desiderares.

*Furseus.*

Ex eadem natione, & ex nobilissimo Scottorum genere Furseus, ad Orientales Saxones, quibus Sigbertus Rex optimus tunc

tem-

temporis imperabat, peruenit : Ibiq; quos  
deprehendit. constantes in fide confirmat  
magis; quos aberrantes reducit in viam;  
quos à fide alienos ad fidem amplectendā  
omni conatu perducit. Multò autem fit in  
docēdo angelica monitus visioe alacrior,

*Beda li. 3  
c. 19.*

Bis è corpore diuulsus animus vidit, au-  
diuit, mirāda: inter alia ignes quatuor, qui  
mundum cōsumpturi sunt; Mendacij, quia  
non implemus, quòd in baptismo promit-

*Ignes qua-  
tuor mun-  
dum con-  
sumpturi*

timus; Cupiditatis, quòd mundi diuitias  
amori cælestium anteponimus; Dissensio-  
nis, quòd animas proximorum, etiam in  
superuacaneis rebus, offendere non for-

midamus: Impietatis, cū infirmiores spo-  
liare, & eis fraudem facere pro nihilo du-  
cimus. Monasterium demū, quod ipsemet

illic fecerat, relinquens Anachoreticam  
vitam elegit. Denique in Galliam profe-  
ctus moritur, multis virtutum suarum in-  
dicijs postea nobilitatus. Hic tribus excel-  
lentia gradibus præstitit. Nam zelo docē-

*Tres ex-  
cellentia  
gradus.*

di multorum animas lucratus est cælo.  
Pietate dignus effectus est, cui Deus diui-  
na reuelaret. Res humanas ita nihili fe-

cit, non tantū vt, quæ ab ijs accepisset,  
alijs daret; sed vt relinqueret vniuersa;  
gloriosissimum existimans vbiq; paupe-  
rem, humilem, peregrinum pro Christo  
esse, & apparere.

Col-

Colmānus  
continen-  
tissimus.

Colmānus qui successit Finano, qui successerat Aidano in Episcopatum Northūbrorum, cū ob contentionem de Paschæ obseruatione ex Anglia decesserit, manifestum reliquit ac testatū omnibus, quantæ erant parcimoniæ, quantæ continentix

Beda li. 3.  
c. 26.

illorum temporum Episcopi. Nam domos sibi comparabant eas, sine quibus societas ciuilis conseruari non poterat. nihil possidebant nisi in pecoribus. Nam quas pecunias à ditioribus accipiebant, eas quamprimū dispensabant illis, qui erant in paupertate. Omnis sollicitudo ipsis erat Deo, non seculo seruiendi: cura tota cordis, non ventris excolendi. Quare nihil concupiscentes omnia habebant, eò tum fructuosiora alijs, tum certiora sibi: *Quia dominia rerum, inquit ille, collabi solēt; bonæ mentis usurpatio nullum tristioris fortuna recipit incursum.* Quocunq; igitur terrarum venerant, summa gratulatione & gaudio, vt veri Dei famuli, excipiebantur: quocunq; transierant, omnes genu & ceruice flexis, benedici ore, vel manu, summè lætabantur. Talis eos ubiq; honor, tanta omnium reuerentia prosequabatur.

Valer.  
Max. li. 4  
c. 4.

Beda li. 3.  
c. 26.

Ceddit.

Proximum his Episcopum Ceddim in præsidij Christianæ rei, cui sedulò semper satisfecit, collocabimus. Is vniuersam

Orien-

Orientalium Saxonum prouinciam Regis inuitatu, ad fidem Christianam, à qua magna ex parte defecerat, reduxit: Regemq; ipsum sacro fonte immerfit. A Northumbriorum Rege, qui hominis virtutem prudentiamq; multum suspiciebat, cupiente & instante, locum monasterij ædificandi accepit, quod multis precibus ieiunijsq; consecrauit. atque in eodem post aliquot annos vita præclare acta defunctus est. Sic talibus viris honores, quos fugiebant, auctoritas, quam non ambibant, bona, quæ aspernabantur, vltro vel inuitis à maximis quibusq; Principibus deferebantur.

Huius Ceddæ genus videtur Bedæ, ex ipsius pietatis stirpe fuisse generatum. . . .

Nam tres fratres habuit sacerdotes ipsi- gnes, Cimbillum, Cælim, Ceaddam. Huic extremo cum à Theodoro Archiepiscopo Cantuariensi esset obiectum, quod perperam fuerat consecratus Eboracensis Episcopus; eò quòd ex Episcopis, qui adstiterant, duo erant Britones & schismatici; qui Paschæ tempus contra morem Romanum vitiosè obseruabant; Respondit, Si me nocti Episcopatum haud rite acceptasse, libens dimitto; nunquam enim me eo dignum iudicaui. Cuius responsi submissione delectatus Theodorus; Nolo, inquit, te Episcopatu priuare; sed, quod ordina-

Lib. 4.

c. 3.

Ceadda

obsubmissi-

sionem in-

signis.

C

tioni

tioni tuæ deest, catholica ratione supplebo. Is Aidani discipulus eius vestigia studiosè sequebatur, Apostolico more pedibus peragrans ad euangelizandum; continentia & humilitatis suæ exempla passim relinquens; in precatione & lectione sacra frequentissimus. Sic erat moderatissimi animi sui beneficio nunquam solus destitutus; nusquam sine equo; absque pecunia diues, sine familia comitatus, Translatus verò postea ad Episcopatum Merciorum in ciuitate Licesfeldiensi, post duos annos in eo consumptos, diuina reuelatione confirmatus, & horæ mortis præmonitus, ex hominum vita ad diuorum consortium demigrauit, anno Domini 671.

*Vuilfridus.*

Æqualis horum fuit Vuilfridus post Ceaddam totius prouinciæ Northumborum Episcopus; nam ita diu vixit vt multorum ætatibus implicaretur. Hic expulsus à sede, dum Romam petit, conuersioni Frisiz initium dedit, quam Vuilbrordus postea absoluit. Deindè verbum Dei euangelizans Occidentalibus Saxonibus, non solum eorum animas ab errore eripuit, ac potestate diaboli; sed etiam corpora à fame, qua tum grauiter opprimebantur, liberauit. Nam & ex piscatu, cuius ignari erant, viuere docuit; & cum tribus totis annis

annis in eorum terram nullus de cælo imber defluxisset, ipsa die, qua fidei baptismum gens suscepit, cecidit copiosissimus. Idem æquè aduersis ac prosperis rebus probatus, eadem animi magnitudine inter vtrasq; versatus est. Nam bis sede pulsus, parem domi & in exilio mentem, par semper studium in aliorum salutem contulit: atque bis Romam adiens binis Summi Pontificis sententijs restitutus est, innocensq; declaratus. Idque adeò honorificè, ut in Romano centum viginti quinque *Beda li. 4*  
Episcoporum Concilio hic titulus datus *c. 13. & li. 5. c. 20.*  
sit illi, Vuilfridus Deo amabilis Episcopus Eboracensis. Tandem in pace, atque in se-  
de propria, vitæ, quam in dignitate quadraginta quinque annos laboriosè transegerat, finem imposuit, anno Domini 703.

Vuilfridi locum in Episcopatu Hagustaldensi *Acca.* qui illi à sacris fuerat, possedit; in diuinis literis doctissimus, in catholicæ fidei confessione castissimus, in regulis ecclesiasticæ institutionis solertissimus. Hic Ecclesiam suam nobili bibliotheca, & conquisitis vndiq; reliquijs sanctis ornauit: porticibus, altaribus, operibus ampliauit: vasis, luminaribus, alijsq; ornamentis illustrauit: postremò ut diuinæ laudes cantu celebrarentur digniori, exquisitos cantores perquiri accersiriq; cura-

C 2 uit.

uit. Ut difficile iudicatu sit, quibus primas deferas; hisne, qui sacras illas ædes à primo construxerint; an huic, qui ad earum, ornatum tantos sumptus, tantam curam, tanta pietate ac religione adiecerit.

*Ioannes.* Fuit antè alios miraculorum, dum vixit, multitudine ac priuilegio (quorum sanè multa recenset Beda) clarissimus Ioannes Episcopus Eboracensis. Qui cùm triginta tres annos Episcopatum summa Dei & hominum approbatione tenuisset, in extrema senectute, Vuilfrido presbytero in suum locum suscepto, secessit in monasterium quoddam suum, in Silua vocitarū: ibiq; ætatis præclarissimè actæ finem optatum est assecutus, anno 721.

*Vuilibrordus.* Diximus paulo ante, conuersionis Frisiz principium fuisse à Vuilfrido ductum; eiq; paucos post annos extremam manū, Deo auxiliante, Vuilibrordum imposuisse. Nā cùm hanc ipsam ob causam Vuilibrordus, aliquot sibi assumptis socijs, Hiberniam reliquisset (nam in Anglia natus, in Hibernia tamen educatus & instructus est) Romam primū adire in animo habuit; ut ea, quæ ad tantum opus ritè conficiendum pertinerent, & illic disceret rectius, & inde reportanda acciperet plenius. Reuersus autem post aliquod tempus est, his rebus instructus, quarum desiderio laborabat.

Nam



Nam à Sergio, tunc ad clauum Romani Pontificatus sedente, honorificè in Archiepiscopum consecratur, & mutato nomine Clemens appellatur: deindè breui multorum sanctorum reliquijs ex optato donatus, summa eiusdem volùtate dimissus est: Itaque Frisiam cum suis socijs ingressus, sedem Pipino Rege concedente, in ciuitate Traiecti collocauit: & longè latèq; verba prædicans æternæ vitæ, populos à dæmonum seruitute abduxit; templa passim erexit, genti Antistites præposuit, ipsemet canis & summa senectute venerabilis. Nō enim iam ampliùs Angliæ finibus Anglorum zelus conatusq; includebantur: nam securi de suis, proximorum salutis inhiebant. Quare & hic in Frisijs, & alij mox in Belgis, Sueuis, Gothis, Danis, & Bonifacius ille Moguntinus in Germanis ad fidem conuertendis laborarunt.

Beda li. 8  
c. 12.

Angli varias gentes ad fidem trahunt.

Sed ne cursus iste orationis meæ longior iusto videatur, vela paulatim contraham; atque horum temporum felicissimorum Episcopos vno Cuthberto concludam; cui viro ad omnem virtutis perfectionem nihil admodum defuisse audaciter dixeris. Nam ab ineunte adolescentia nomine & habitu monachi assumptis, nihil non didicit, quod ad scientiam scripturarum & celestis vitæ disciplinam pertineret. Oratio.

Cuthbertus vir perfectissimus.

ni erat maximè deditus; ornatus patientia; abſtinentiæ caſtigatiōe inſignis; conſulentibus affabilis; familiaris cum aduētib; ea charitate beneuolentiæ, qua nulla maior eſſe poterat. Solebat enim ſapiſſimè monaſterio ſuo exiens, caſtella, pagosq; circumire; neque vicinos tantum, ſed procul remotos & in aſperriſſimis montibus ſitos; in quibus libentiùs, zeli quodā ardore flagrans, immorabatur, ut plebeſi ibi ruſticam, & idiotam (quorum magna pars, vel in fide titubabat, vel profanis ritibus eam polluebat) non aliter, quam locupletiores ad pœnitentiā, & erroris cognitionem reuocaret. Longè enim præſtitit tum dicēdi peritiā, tum perſuadēdi vi, tum vultus ipſius (qui quaſi cuiuſdam diuinitatis ſpeciem præſerebat) venuſtate dignitateque quibus rebus, tanquā admotā machina, animos hominū expugnabat; & intimas ſuarum conſcientiarum latebras aperire compellēbat. Quoties ſacrificiū victimæ ſalutaris offerebat, toties ſuſpirijs & lacrymis corde magis, quā ore vota ſua Deo commendabat. Inuiſiſſimus, ac vi multa coactus, Epiſcopi gradum munuſque ſuſcepit; nec in eo diutiùs quam duobus immoratus annis, ſe in monaſterij ſolitudinem, admonitu diuini ſæculi, iterum recepit: ut ab humanis rebus

*Beda* 11.4  
6.27.

bus abstractus, è corporis vinculis libe-  
rius euolaret. Ferè tantus in fugiendis ho-  
noribus, quantus in merendis. Huius in-  
virtutibus tantis, & tam multiplicibus,  
nescias, quam primum amplectere: Pieta-  
temne in Deum, an charitatem in proxi-  
mum; patientiam in tolerandis, an magni-  
tudinem animi in cõtemnendis humanis;  
maïorem denique in castigando corpore,  
an in pascendo animo curam ac diligen-  
tiam.

In horum numerum vnum Egbertum, *Egbertus.*  
alij Herbertum, sacerdotẽ libet adscribe-  
re, vt his, quos recensuimus, tẽpore æqua-  
lem, sic in eo superiorẽ, quòd Anglus Sco-  
tos à praua Paschæ obseruatione, in qua,  
per annos centum quinquaginta erraue-  
rant, remouit. Iamq; nonagenarius, ipso *An 729.*  
Paschæ die è vita cessit, tum viuendi exẽ- *Beda lib.*  
plo, tum instantia & assiduitate docendi, *3. c. 27.*  
tum authoritate corripiendi cò apud om-  
nes nobilior, quò ad plurimorum utilita-  
tem incolumitatemq; eius opera, adeò in-  
uerato errore depulso, fuerit salutarior.

Sed erunt forsitan aliqui, qui tam cupi-  
da mentẽ hæc audiant, tam bona ample-  
ctentur, vt eorum desiderij expectationem  
pauca ea quæ iam diximus, minime sint  
expletura; vtpote quibus parum videbi-  
tur conuenire aut rerum dignitati, aut cu-

piditati suæ, tam multa ac magna, quæ de personis, ac rebus tanta charitate excellentibus dici possunt, aut prætermitti, aut tã angusto orationis ambitu includi. Verũ alia longè est propositi nostri ratio, quæ breuitati studens, nec omnes, nec omnia repetere statuerit; & quæ recenset, ea non tam laudanda sibi, quàm recensenda desumpserit.

*Beda Venerabilis.*

Accedam nunc igitur bona horum cum venia, ad Bedam illum, qui ex iis, quos recensendos ante anñum Christi septingentesimum trigessimũ delegi, solus mihi superest cõmemorandus. De quo, notissimo quidem, vt plurima dicere superuacuum esset; sic pauca addere nobis omninõ est necessarium: ne cuius operæ diligentique maximam eorum, quæ retulimus, partem fecimus acceptam, is silentio nostro prætermittatur; dignus alioquin qui omnium literis ac linguis celebretur. In monastica enim disciplina à puero educatus, & omni-literarum genere imbutus in virum adeo perfectum eruditumque euasit, vt alijs omnibus suæ ætatis præstitisse videretur. Scripsit libros septuaginta quos ipsemet recenset, triginta nouem voluminibus comprehensos; omnes doctrina varia, sed diuina prorsus, aut quæ diuinam spectat, vt sacerdotem ac monachum, ma-

*Post finem  
hisor. Ec-  
cles. de  
gestis An-  
glorum.*

ximè decebat, refertos. Quorum mentionem dum facit, etiam vitę suę gradus strictim ostendit: ac eā moderatione & verborum modestia, ut is, qui eius historiam persecutus est, in hæc verba prorumpat;

*Deficit ingenium, succumbit eloquium, nesciens quid plus laudem, librorum numero sitatem, an sermonum sobrietatem.* Lib. 1. c. 1

Infuderat enim proculdubio non indigno haustu diuina sapientia, ut angusto vitę spacio tanta elaboraret volumina. Romę fuisse affirmare non audeo; sed Romam inuitatum haud dubiè pronuncio. Idque

confirmat Sergy Summi Pontificis Epi

stola, scripta Celfrido religioso eius Ab

bati, cuius initium, Quibus verbis & mo-

dis clementia Dei nostri, &c. deinde; Hor-

tamur dilectam religiositatis tuę bonita-

tem, ut quia exortis quibusdam eccle-

siasticarum causarum capitulis, non sui

examinatione longius innotescendis, opus

nobis sunt ad conferendum arte literaria

imbuti: Sicut decet deuotum auxiliatorem

Sanctę matris vniuersalis ecclesię, obedi-

tem deuotionem huic nostrę exhortationi

non desistas accommodare: sed absque ali-

qua immoratione, religiosum Dei famu-

lum Bedę, venerabilis monasterij tui pres-

byterum, ad limina Apostolorum princi-

pum, Dominorum meorum Petri & Pauli,

ama-

Sergij Pa  
pę episto-  
la ad  
Celfridū  
Abbatem

amatorum tuorum & protectorum, ad nostra mediocritatis conspectum non more-  
ris dirigere, quem, faciente Domino sanctis  
tuis precibus, non diffidas prosperè ad te  
redire, peracta promissorum capitulorum  
tum auxilio Dei desiderata solemnitate.  
Erit enim, ut confidimus, etiam cunctis ti-  
bi creditis profuturum, qui quid ecclesia  
generali claruerit per eius præstantiam  
impercitum.

Huic epistolæ auctor ille hæc subiungit.  
Ita iam celebris erat fama Beda, quod in  
quæstionibus enodandis indigeret eo sub-  
limitas Romana: adeo latinitas omnis eius  
fidei ac magisterio palmam dedit. nam &  
fidei sana, nec incuriosa, sed dulcis fuit elo-  
quentia, in omnibus explanationibus diui-  
narum scripturarum, &c. hæc ille.

Cum in extremum Beda incidisset mor-  
bum, quo per duos fermè menses labora-  
uit, quantò erat dissolutioni naturæ proxi-  
mior, tantò magis ostendit, qua pietate,  
& integritate vixerat. Non enim aut vi-  
uere adhuc erubescbat, aut timebat mo-  
ri; eò quod se grauem nunquam homini-  
bus fuisse, & Dominum habere bonum,  
dicebat. Hancq; conscientia securitatem  
(quod in felicitate ponit D. Ambrosius)  
multis argumentis tempore morbi mani-  
festauit, nulla ægritudinis suæ vehementia  
factus

factus remissior, siue in docendo alios, siue in supplicando. Tandem appropinquante hora discessus salutari viatico instructus, osculo valedixit astantibus, atque in ipso Ascensionis Dominicæ die, deficiente iam anima, contra oratorium, quo precari consueuerat, iubens se deponi, subiecto cili-  
cio, Spiritus sancti gratiam hilari vultu inuocauit, dicens; O Rex gloriæ Domine, virtutum, qui triumphator hodie super omnes calos ascendisti, ne derelinquas nos orphanos, sed mitte promissum patris in nos spiritum veritatis. Qua breui oratione finita, felicem animam Deo seruatori, cuius misericordiam implorauerat, reddidit, relinquens post se eam odoris suauitatem quæ cellam ipsam totam, omniumq; adstantium nares animosq; mirifica suauitate perfundebat. Deo ipso nimis hoc mortis miraculo approbante, & decorante cognomen illud veneratio-  
nis, quod hominum consensus multò ante cogitis viri virtutibus indidisset.

Hi sunt igitur non multi ex præcipuis inter eos, qui prima Christianæ religionis semina in Anglicano solo sparserunt. Monachi sanè omnes: & licet in singulis vir-  
tutibus aliis alio superior, vnusquisq; ta-  
men in simplicitate mortis & innocentia  
vitæ, in animorum submissione, & chari-

Anglorum  
Apostoli-  
monachi  
omnes

tate proximorum; in contemplatione rerum celestium, ac despicientia externarum; alijs denique cum Christiana perfectione congruentibus virtutibus, erat ad primorum patrum exemplum tum institutus probe, tum ex omni parte perfectus. Quibus sanè non tantum sibiipsis tale monimentum honoris & gloriæ, non in arena quidem, sed in petra firmissima extruxerunt; ut in eiusdem possessione successores sui, reliquis deinceps temporibus, ad hunc usque diem immoti permanserint: sed etiam gentes & populos in sui admirationem, æmulationemq; traduxerint; atque apud maximos Reges, ac viros Principes in summa æstimatione, amore, veneratione sint habiti.

Nam, ut reliquos omnis sexus & gradus, numero pænè infinitos, taceam qui ad horum inuitationem imitationemq; talem vitæ suæ instituendæ rationem inierint, ut ætates sequentes sanctitatis suæ commemorationem religioso honore sint prosecuti: in his qui Regij sanguinis nominisve fuerint annotandis aliquantulum immorabor. Nam ex viginti sex Regibus, quorum sanctimoniam patrum nostrorum memoria celebrat singularem, octo minimum publica Ecclesiæ autoritate accedente indiuorum numerum relati sunt: totidemq;

*Beda.*

*Reges 16.*

*Sanctissimi*

*mi.*

alij.



alij depositis imperijs, partim in Anglia,  
 partim Romæ monastico habitu fuere in-  
 duti; vt prioris temporis luxum salutarī  
 abſtinentia; iocos luſuſq; ſolitudine; impe-  
 randi libertatem obediendi neceſſitate;  
 copiam inopia; ſaturitatē inedia corri-  
 gentes, facilius perpetuam illam pro hac  
 exigua breuiq; vita compararent. In qui-  
 bus illud Ceoluulfi Regis relatu dignum,  
 qui cæleſtium rerum amore & admiratio-  
 ne captus, tam magni eas æſtimauit, vt in-  
 fra chriſtianam dignitatē nobilitatemq;  
 eſſe diceret, terrenis negotijs, tanquam  
 rebus viliffimis implicare ſeſe, in iſſq; tra-  
 ctandis eſſe occupatiorem. itaque poſt octo  
 annos Regem exuens, intra monaſterij  
 clauſtra ſe recepit, vt ſoli Deo viueret ac  
 ſeruiret. Nec diſſimili exemplo Ina, quem  
 Beda nominat Huu; poſteaquam multa,  
 eaque regia munera Eccleſijs largitus ef-  
 ſet, præcipuè monaſterio Glaſtenburienſi,  
 quod nouum a fundamentis crexerat; or-  
 dinaſſetq; vt ſingulis annis, à ſingulis regni  
 ſui familijs denarij, quos dicunt Sancti Pe-  
 tri, Romæ ſoluerentur; etiam ipſe, abdicato  
 Regno, quod annos triginta ſeptem op-  
 timè ac prudētiffimè gubernauerat, Romā  
 adiit; vt peregrinus ac pauper illic quaſi  
 ante Apoſtolorum pedes moreretur: Cu-  
 piens, inquit Beda, in vicinia locorum ſan-  
 ctorum

*Ceoluulfi  
 Regis di-  
 ctum me-  
 morabile.*

*Cōtinuat:  
 hiſt. Be-  
 da lib. 1.  
 c. 4.  
 Ina Rex.  
 lib. 5. c. 7.*

*Denarii  
 Sancti Pe-  
 tri.  
 Stouſ in  
 Chron.  
 Li. 5. c. 7.*

*Etorum*

florum ad tempus peregrinari in terris,  
quo familiarius à sanctis recipi mereretur  
in calis. Quod his temporibus plures de  
gente Anglorum nobiles, ignobiles; laici &  
clerici; viri ac semina certatim facere con-

Sexagin-  
ta Regii  
sanguinis  
sancti.

sueverunt. ita Beda. Verum ut omnia in  
vnum colligam; sexaginta plus minus  
utriusque sexus (præter nominatos Reges)  
creati sanguine regali possunt numerando  
perceaseri; qui quod eam vitæ rationem,  
illud institutum essent amplexi, quod eos  
non minus invictos ab incurso viciorum,  
quàm perfectos omnibus virtutis numeris  
præstabat; non solum post mortem, sed ple-  
riq; etiam in vita miraculis illustres per-  
petuam sui nominis recordationem iusto  
ac debito posteritatis honore ornandam  
celebrandamq; reliquerunt.

Quapropter hisce virtutum radicibus  
tam alte in Anglia defixis subnixa illa  
Christiana à Roma profecta religio, tan-  
tum nata est firmitatis, breui etiam sic  
propagata est. Deo irrigante & incremen-  
tum ac robur ministrante; ut quamvis ali-  
qua sui parte perculsa & perturbata seu  
ventorum sæuitia, seu procellis temporū,  
nutasse aliquoties videri possit; mansit ta-  
men semper in stabilitate sua, atque tam-  
diu restitit donec peruicerit, & reuersa in  
se pristinas vires suas, & primam clarita-  
tem,

sem illius temporis tempestatisq; discussa caligine, recuperauerit.

Veruntamen hoc nouissimo tempore, nostris sine dubio peccatis grauioribus id à diuina iustitia quasi extorquentibus, euenit, vt tantus malorum cumulus communi nostro, ac velut fatali Angliæ malo, post quingentos amplius annos ( videtur enim hic circuitus quingentorum annorū à Dei prouidentia quodāmodo definitus, qui insignem aliquam in Anglia mutationem per Romanos, Anglos, & Normannos conficeret ) sub Normannis feliciter fideliterque transactos, irruerit in Anglos: adeoq; miserabilis cæcitas oculos, mentesq; eorum, quos minùs oportebat, occupauerit; vt à via Romanæ fidei verè regia, quam omnium maiorum suorum vestigiis tritissimam, quamplurimis diuinis indicij's contestatissimam, mille & ultra annorum continuatione probatissimam accepissent; non dubitarint recedere; & deuia persequentes non seipsos tantum inuariarum sectarum errores inexplicabiles inuoluere; sed etiam alios, apud quos ius aliquod auctoritatemq; habuerunt, in eandem ruinam, quibus poterant rationibus, præcipitantes impellere. Quinimò eadem hac, à Sede Principe, & Ecclesia matre vera defectione; dum soli sint, & à reliquo-

quorum regum Christianorum commu-  
nitione seiuncti, in innumeras difficultates,  
suspiciones, timores se, suosque, domi, ac  
foris sic præcipitarunt, ut viam non inue-  
niant, qua res suas, ut maximè cupiant,  
stabilire, & se à metu incommodorum,  
imminentium expedire possint.

Et licet sanè apud Anglos multo maxi-  
ma hominum pars vel prava educatione  
corrupta, vel falsa specie decepta, vel pro-  
positis honorum & opum præmijs illecta,  
vel vi, aut metu obiectis perterrita, siue  
cesserit tempori, siue à veritate recesserit:  
nunquam tamen tantam vim habuit  
aut humana peruersitas improbitasve,  
aut dæmonis furor studiumque nocendi  
(ab hoc enim, peccati & mendacij autho-  
re, malum hoc proficisci dubitari nequit)  
ut ita cunctos veritatis cultores Anglia  
expelleret, ut nō semper remanserint mul-  
ta eorum millia, qui nūquam curuauerint  
genua sua ante Baal, nec palam de fide  
confiteri erubuerint.

Quod potuit quondam Satanæ, per-  
mittente Deo, & nunc potest; sæuitiam  
suam in optimos quosque adhibere, etiam  
in maximè innoxios maximam suam po-  
tentiam terrore, & minis exercere. effice-  
re denique, ut rectæ & auitæ fidei sectato-  
res vel regno ejiciantur, vel compulsi in  
angu-

angulos, fugiant conspectum hominum, vel captiui carceribus, vinculis, morte cōdemnentur . Attamen ipsi nec ita mortui sunt vnquam, nec ita latuerunt, vt non eorum mortes condigna laude commemoratiōneq; semper celebrauerit Ecclesia Dei; eorum vincula, catenæ, compedes, non sint apud posteros in honore habita; eorum denique tenebræ atque latibula, non splendorem magis, quàm obscuritatem. tū fidei, quam profitebantur, tū sibimetipsis attulerint.

Qui pro Ecclesiastici iuris libertate tuenda primus mortalium, mortem obiit, fuit Thomas ille Becchetus Archiepiscopus Cantuariensis; ad cuius sepulchrum visendum admirabilis virtutum incredibilium fama traxit non modo longinquos, hosq; de populo, sed Principes & Reges maximos: Summumq; mouit Pontificem Alexandrum Tertium (eundem, ad quem exul antea confugerat) vt eum in cælum receptū; & diuorum numero censendum, solemni authoritate, publicoque decreto primo quoque tempore declarare non timuerit.

Thomas  
Cantuariensis.

Henricus  
Angliæ  
patrem es  
filium: Læ  
dominus  
Gallia.

Qui ob supremæ sedis Pontificisq; Romani authoritatē defensam, primi omnium sanguinem suum simul cum alijs quibusdam Anglis profuderunt, fuere: Fiscerus

D

Ros.

*Filcerus* Roffensis Episcopus, & Thomas Morus  
*Roffensis.* Angliæ Cancellarius; vterque sanè Angli-  
*Thomas.* ci populi decus ac lumen; atque vt ille cle-  
*Morus.* ri, sic iste laicorum facilè princeps.

Neque solùm illud tempus, eademq; il-  
 la causa alios quamplurimos, qui illorum  
 exemplum sibi proposuerant, simili interi-  
 tu affecit; sed etiam recentiori memoria  
 supra centum Christi sacerdotes, & alio-  
 rum vtriusq; sexus plùs minùs sexaginta,  
 extremo supplicio in Anglia multauit.  
 vt eos silentio transeamus, qui in carce-  
 ribus, in fuga, in exilio vitam reliquerunt.  
 quorum primos, eosdemq; permultos an-  
 te annos quadraginta septem nominatim  
 percenset, qui ex illis erat Nicolaus San-  
 derus. Reliquorum verò, qui deinceps se-  
 cuti eos sunt, maior numerus est, quam vt  
 a nobis iniri expeditè possit. De quibus  
 profectò dum cogito, ex animo certè nec  
 mediocriter doleo, Angliam tam multos,  
 tamq; præstantes ciues, & viuentes non  
 possedisse, & perdidisse morientes. Tamet-  
 si certè in non minima parte illius gloriæ  
 & ornamenti pono, quòd tales, tamque ex-  
 cellentes viros in lucem produxerit; sed  
 magis quidem, quòd eosdem tam fortes,  
 tamque constantes in optima causa, hoc  
 est, in sanctæ Romanæ & vniuersalis Eccle-  
 siæ dignitate ac primatu tuendo propu-

gnan-

*De Visib.*  
*Monar-*  
*chia, &*  
*de schis-*  
*mate.*

gnandoque, dicamne amiserit, an lucrifecerit? Vndè verè mihi videor hoc posse dicere, & cum illo exclamare, O magna vis veritatis, quæ contra ingenia, calliditatem, sollertiam hominum (addam ego, & dæmonum) facilè se per se ipsa defendat: neque aut conteri persecutionis magnitudine, aut temporis obrui diuturnitate vlla, aut violentia possit! Sed quò est vexata grauiùs, quò inimicius exagitata, & ad calamitatem depulsa, eò se, vel vt palma pondere depressa, erigat animosior; vel vt aurum igne probatum, suæ virtutis dignitatisque splendorem omnium oculis illustriorem ostendat.

Cic. pro  
Calio.

Quæ scilicet omnia cùm in causa religionis sanctissima fieri animaduertit, summamq; in eo Dei benignitatem in suam gentem deprehendit homo natus ad Angliæ salutem Gulielmus Alanus serio cœpit secum meditari, qua ipse ratione ad huius diuini operis ædificia; extructionē conseruationemq; aliquid cæmenti, calcis, lapidum, lignorum posset afferre. Erat enim ipse tunc temporis vnus ex multis illis, qui (Elisabetha iam regnum adeptæ, & nouam religionis faciem, à catholica Romana & maiorum institutis abhorrentē introducente) cedentes ab Anglia, antiquæ religionis causam in singulis suis partibus

D 2 quæ

quæ in controuersiam vocabantur, quam plurimis conscriptis editisq; voluminibus egregiè tutati essent. Verùm neque in hoc illius animo, igne quodam charitatis acrius accenso, requies erat. Nam veluti inertissimi & desidiosi otij esse, nihil efficere; ita in hoc Dei & patriæ maximo negotio, non quanta poterat, maxima præstare, vix hominis seduli ac diligentis officij sui esse putabat.

Quapropter etiam si defensam probè rem religionis hisce tum suis, tum aliorum scriptis, & fractam in præsens multorum oppugnantium audaciam videret: tamen quia hæc ipsa in paucorum manus, nec ad omnium aures peruenire, iudicium verò nisi doctiorū subire poterāt; maius quiddam excogitauit, cuius vtilitatis fructus ad omnes æqualiter perueniret. Cōsiliū enim iniit, qua ratione seminario ad rectam adolescentium educationem instituto, quasi tutores prouideret ac magistros, quibus in posterum & perpetuum tempus non modo sartam rectam religionem ab impetu & fraudibus improborum conseruaret; sed etiam animos pariter, ac numerum fidelium illius cultorum augeret, in eiusq; amore & obseruantia magis magisq; confirmaret. Præterea, cum isti adolescentes exercitati aliquandiu in illo  
suo

*Semina-  
rium cogi-  
tat Ala-  
nus.*



suo otio, & umbraculo eruditorum, mox  
 deinde in solem ac puluerem, atque adeò  
 in ipsum discrimen & aciem Anglicanam  
 essent producendi; dandam sibi operam  
 in primis existimauit, vt quemadmodum  
 doctrinarum, armis vndique tecti, & mu-  
 niti perfectè essent; ita etiam proponerēt  
 sibi semper, & ante oculos haberent anti-  
 quorum illorum actiones præclarissimas,  
 vt eorundem virtutum, officij, innocentie  
 præstantiam si minùs consequi imitando,  
 saltem studio ad eam ac voluntate quàm  
 proximè possent accedere. Vrgebat igitur  
 hoc maximè summoq; cum studio; neque  
 sapienter minùs, quàm rectè admonebat,  
 nisi purum illud & simplex in oratione,  
 vita, & moribus, quod primorum doctorũ  
 religionem & doctrinam è cælo deuoca-  
 tam, ac cælum tantum respicientem com-  
 mendauerat, in ipsis eorum æmulis & imi-  
 tatoribus, quasi lumen aliquod elucèret;  
 quod eos incolas quidem terræ, sed cæle-  
 stium ac superiorum verè contemplatores  
 æque ac magistros ostenderet; frustra se  
 in ea, quam ab illis acceperant, religione  
 conseruanda stabiliendaque laboraturos.  
 Idque eò magis, quod eis res nunc est non  
 cum illis, qui in re religionis rudes & ho-  
 spites veritatis vocem libenter audiant,  
 auditam agnoscant, agnitam amplectan-  
 tur:

tur: sed cum his, quorum plerique alienatione quadam animi, aut sententiæ obstinatione ita abhorrent à catholica fide, quam non ignorant; ut non modò mentionem eius non admittant; sed qui eam profitentur, ac ferunt præ se, eos omni poena dignos putent. Quod ut planissimè omnibus, qui hæc lecturi sunt, possit constare; nos vitam Alari, præcipuasq; eius actiones strictè quidem & quasi sub compendio subiiciemus interim; donec tempus maturum illud aduenerit, cum Christo voluntati meæ, in qua inest vis desiderij, fauente, liceat eadem aperrius explicare, & locupletiori oratione patefacere omnibus.



VITAE  
CARDINALIS ALANI  
EPITOME.



AGEBATVR annua  
partu Virginis salutar  
sesquimillesimus trige  
simus secundus, cum ha  
retica labes, tanquam  
procella ac pestis, sanā  
Christi doctrinam, fi  
demq, Romanam, singulari Anglorum fide  
receptam, pariq; mille & amplius anno  
rū cōstantia & pietate confirmatā, in An  
glia primū inuasit, perniciosissimisq; er  
roribus inquinauit. Eodē ipso anno in Lā  
castrensi prouincia Angliæ nobilissima Gu  
lielmus Alanus, veluti despōsus iam a Deo  
ac destinatus tum antiquæ religionis de  
fensor, tum nouarum opinionum oppugna  
tor acerrimus, eiusdem benignitate pro  
pitia & euidenti in lucem editus est.

*Alanus  
nascitur.*

Patrem habuit Ioannem Alanum & suæ  
familie honestate, & sāguinis affinitatisq;  
cum primarijs illius prouinciæ familijs cō  
iunctione nobilem. Matrem verò Ioannam  
Listeram Eboracensi regione oriundam.

*Parentes  
eius.*

ingentis virtutis foeminam, & quæ multas  
& claras cognationes in Alanam gentem  
traduxit.

Sub horû disciplina & paterna cura, modestiæ, pudoris, cæterarumq; virtutû eius-  
modi semina sparsa feliciter excepit ut in  
omni reliqua vita eorum fructus ediderit  
vberrimos atque plenissimos. Gramma-  
ticæ, & humanarum artium tyrocinia pri-  
ma posuit sub publico quodam illius pro-  
vinciæ magistro, tanta alacritate, felicitateque, ut suorum æqualium studia ingenio  
industriaque multum superauerit.

*Oxoniam  
adit.*

Hac indole, atque hac discendi conti-  
nua progressionem, cum decimū quintū ex-  
pleuisset annum, ad Oxoniensē Gymnasium  
à patre deducitur; in quo a domesticis im-  
pedimentis, & materna indulgentia liber-  
rior relictus soluiori animo in libris ac li-  
teris totus delitescit. Non enim communi  
adolescentium more, maiorem viuendi li-  
bertatem ad otium, ineptias, voluptatem  
licenter cōtulit: sed magistris obedire; col-  
legij, in quo erat, disciplinā exactè seruare;  
in scholis, disputationibus, omniq; exerci-  
tatione literaria assiduum ac diligentem  
exhibere se; a quouis discere, aut quemuis  
docere haud se indignum reputare; opero-  
sum denique semper, nunquam otiosum ef-  
se, id ei curæ & cordi ante omnia fuit. Qui-  
bus

bus sane studijs ac vitæ instituto non iuvenile tātum & ad vitia lubricum, sed etiam reliquæ ætatis tempus omne à casu & prolapione tutum conseruauit. Quamuis enim illi nec in pulchri corporis forma externæ deerant, nec in primo ætatis flore ac robore internæ deesse poterant seu blandæ voluptatum libidinumque illecebræ, seu acres gloriæ stimuli honorumq; cupiditates; his tamen omnibus ita restitit, vt nec illis expugnari adolescentia eius, nec his perturbari & suo pelli loco animi cōtātia potuerit. Verumtamen ad hoc tam diuinum beneficium assequendum, non eātātum quæ diximus, sed hæc etiam permagno fuere adiumento, naturæ nimirum suæ bonitas, præceptoris Morgani viri maximè catholici cura diligens; demum cultura Oxoniensis Academiæ, quā erat adeptus studiorum magistrā, à prauarum opinionum morumq; corruptela adhuc fermè intactam.

Posteā verò quā rei literariæ, ac præcipuè philosophiæ studijs summa cōtētione ardoreq; animi septē ipsos annos (tot enim illius Academiæ institutum ad philosophiæ totius cursum conficiendum præscribit) insudasset, magister artium declaratur; honoremq; illum sibi à reliquis delatum percipit, vt logicam, philosophiam

que

*Fit magister artium.*

*Procurator Academia.*

que publicè interpretaretur. Nec multò deinde post Academiae Procurator est electus. Duo quidè sunt pari potestate & gradu, qui ad magistratum hunc singulis annis assumi solent; estq; hic magistratus secundum Procancellariatum in illa Academia summus; nec quæstuosus minus, quàm honoratus: ut magis mirum videri possit, in tam florèti tunc Academia bis Alanum perbreui temporis interuallo communi reliquorum (ut assolet) voce ad hunc honorem fuisse vocatum.

*Oxeniam relinquit.*

Secutum illud tempus est, quo Elisabetha Regina in solio Angliæ collocata, & de mutanda religione cogitans, edicto sanxerat; ut è clero omnes, ex Academicis illi, qui vel munere publico fungerentur, vel lauream ambirent scholæ, conceptis verbis iusiurandū darent, se non alium, quàm Reginam Anglicanæ ecclesiæ principem, & caput habituros. Procella hæc Alanū Oxonio statim, mox etiam Angliā expulit. Nam cum, ubi, ubi Alanus esset, ibi nunquā prætermitteret aut eos confirmare, qui in catholica maiorum fide adhuc permenebant; aut illos, qui descinerant, reuocare, atq; ab heresi auertere; tantum ac tam vehemens magistratuū odium in se commouit, ut fuga sibi prospicere fuerit coactus.

*Fugit ex Angliā.*

Etenim altius in eorum animos hæc Alanus

ni

ni audacia penetrauit; non enim has cogitationes suas priuatas esse, non ad paucos extendi. Quid relictum Principi, si priuatus religiones præfiniat? si edictis publicis sua consilia præferat? Quid alios deinceps facturos, si ab ipso initio talia primus audeat Alanus? Reprimendam quam primum istam confidentiam; quæ si inulta relinquatur, breui apud populum potiora fore vnius temerarij dogmata ac præceptiones, quàm iura iusque regum ac magistratum: atq; maiorem vim habituras paucorum conspirationes ad regiam religionem euertendâ, quàm totius reipublicæ potestatem ad eandem stabiliendam retinendamque. Secessit autem Alanus Louanium, nobile & celeberrimum cæterarum artium, sed theologiæ in primis gymnasium; quodque quam multorum tunc Anglorum qui se ex illis turbinibus ac religionis naufragio iam eripuerant. (in quibus Sanderus, Hardingus, Dormanus, Rastaldus, & alij) gratum erat receptaculum, & sub tutela maximi catholici Regis portus tutissimus.

Dum illic hæret, partim sua sponte, partim prouocatus aliorum exemplo. qui per id tempus multa scripsere, præclare de rebus controuersis, & maxime contra luelium Anglorum hæreticorum antesignanum librum confecit de Purgatorio, lingua (vt

alij

*Scribit de  
Purgatorio.*

alij) patria; sed ea doctrinæ & eloquentiæ laude conscriptū, vt permagnam inde nominis famam & apud omnes æstimationem sibi collegerit.

*Merore  
laborat.*

Per eos dies nobilis quidam iuuenis Anglus, qui Alani curæ cōcreditus Louanij erat, corpore paulatim diffuente extabescibat. Cui dum assiduus in omni officio persoluendo adstaret, eadem prorsus tabe, latenter quidem ab initio (erat enim viribus satis firmis, optimaq; corporis habitudine) non leuiter tamen, vt mox apparuit, insiciebatur. Attractum enim virus adeo in medullis visceribusq; implicatum insidebat, vt præterquam quòd morbum illi nullo temporis cursu sanabilem attulerit, præsens omne medicamentum ita se asperratum, vt celerem mortem allaturū se minaretur, nisi effugiū aliquod, aut longior mora à natua cæli soliq; bonitate impetrari forte potuisset. Itaque medicorum consilijs obsecutus Alanus, atq; in Angliā reuersus, tam diu apud suos ignotus quidem, at non inutilis, latitauit; donec recedente vi morbi, plurimūque imminuta, comperisset meliusculè habere se, & ad labores sustentādos esse firmiorem. Etenim cum perniciofa quædam opinio in nonnullo-  
rum catholicorum mentes irrepsisset (vt sunt perfaciles homines ad ea credenda,

& am-



& amplectenda, quæ magnopere cupiant,  
 & commodis suis convenire arbitrentur)  
 qua persuasum erat illis, in præcipuo hoc  
 suo metu, tantoq; rerum ac vitæ proposito  
 periculo licere sibi ad hæreticorum con-  
 ciones atq; conventus sine graviore piacu-  
 lo & ab ecclesia catholica dissidio accede-  
 re aliquoties: Alanus verò è contrâ, non  
 solum aduértâtes ad se intra domesticos pa-  
 rietes, verùm postquã exire domo per va-  
 letudinẽ ei licuit, etiam quoslibet connẽ-  
 tos hortari vehementer, & multis ratio-  
 nibus docere pergit, tantam esse criminis  
 huiusce atrocitatem, vt qui se eo contami-  
 nauerit, nulla ratione manere in catholica  
 cõmunionem possit. Quocirca ob liberatos  
 hoc modo in Lancastriæ prouincia eiusq;  
 confinijis quam plurimos ab hæreticorum  
 coitionibus, & ab hac capitali opinione,  
 tantum illic malorum incurrit odium, vt  
 ad aliam prouinciã ab ea longè disjunctam  
 quam primùm demigrare sit coactus.  
 Nec tamen ideo destitit incepto: nam &  
 domum in qua mansit, totam tenuit in of-  
 ficio; & sæpius in Oxoniensem non procul  
 positam excurrans Academiam, statim ibi  
 non paucos, plures reliquo tempore à sti-  
 pendijis hæreticorũ ad Christi signa agno-  
 scenda sequendaq; traduxit.

*Ab eccle-  
 sis hæreti-  
 corũ auer-  
 sit multos*

Interim vero in hac quiete ac secessu li-  
 bros

*Scribit de  
Sacerdo-  
tio & de  
Indulgen-  
tiis.*

broſ duos de Sacerdotio, & de Indulgentijs, ad ſcrupulos omnes ex quorundam animis euellendos, Anglicè compoſuit Sunt enim plerique in cæteris ſane non male affecti, qui tñ in ſimilibus quibuſdã catholicæ doctrinę myſterijs ita hæret anxij atque incerti, curioſitate ne quadam, an obſtinatione ſententiæ ſuæ, dum plus ſapere volūt, quàm ſapere conceſſum eſt; vt donec renuiſſimus de his ſcrupulus in eorum animis reſideat, à reliquis pariter omnem cohibeant aſenſum.

*Colligit  
breues de  
fide Ca-  
tholica ra-  
tiones.*

Translatus deinceps Alanus in Norfolciẽſem prouinciã, haud fruſtrã in illius Ducis domo ipſa, atque vicinia laborauit. Nã ad Romanã Eccleſiã aliquos adiũxit; atq; vt plures vna eademq; adiungeret opera, ſummam quandam perbreuem rationum collegit, literiſq; mandauit, quibus & hæreſeos vanitatem, & fidei catholicę præſtantiam ac firmitudinem ante omniũ, qui videre vellēt, oculos clariffimè propoſuit. Rationes iſtæ mox latè ſparſę, eo quod breuiſſimæ; omniũ manibus tritæ, quia facilimæ & apertiſſimæ; valde in Calvinianiſmi damnum, eò quòd firmiſſimæ, tanta indignatione & ſtomacho eos, qui cum imperio erant, cumulauerāt, vt præſenti eorum iracundiæ Alanum cedere, & percelleri abitu non ſibi ſolũ, ſed multò magis alijs

al'js quam plurimis consulere, visum sit omnibus consultissimum.

Decedit igitur ille, sed ut non sine fructu, sic cum divinæ in eo tuēdo misericordiæ præclarissimo documento. Nam per eos dies, quibus nanis expectanda ei fuerat, in Oxoniam excurrit; atq; æqualē ibi quondam suum, ab hæreticorum societate & suggestu abstractum Ecclesiæ catholicæ restituit: dumq; eum secum conatur abducere, adeo parentum eius animos (magis de sui commodi spe, & inani filij gloriola quàm de salute sollicitos) offendit; ut quo filij profectionem impedirent, Alano ipsi insidias tendere minimè dubitauerint. In quas certè non incidisset tantum, quin & inhæssisset, nisi diuina benignitas tales tenebras ei, cui Alani capiendi cura fuerat commissa, offudisset; ut quamuis ille Alanum optimè nosse sibi videretur, in eandemq; cum ipso cœnam tunc incidisset; mirum tamen dictu, contuitur sæpius, sæpiusq; alloquitur; & eum nihilominus tamen tamquam ignotum abire à se patitur.

Post triennium in Belgium reuersus, sacrisq; sacerdotalibus initiatus, in cœnobio quodā Mechliniensi (hæc ciuitas metropolis est Flandriæ) rheologiam interpretatur. Quo munere postquam functus aliquandiu

*Rursus deserit Angliam diuina tenet manus.*

quandiu

Romam  
adit.

quandiu esset; cepissetq; iā hominem non-  
nulla cupiditas videndi Romam, audita  
Doctoris Venduiliij ( tunc Regij Professo-  
ris Duaci, post Turnacēsis Episcopi & Cō-  
siliij regij Præsidis) profectio, ei se socium  
viæ adiunxit. Petebat hoc tempore Vendi-  
uilus Romam, vt suas quasdā de infideli-  
bus ad Christum conuertendis cogitatio-  
nes cum Pio Quinto Summo Pōtifice cō-  
municaret. Cuius mentem cum inani co-  
nato propter grauiora, quæ illi in mani-  
bus erant, negotia per totam hyemem ten-  
tasset: cumque Alanus insimul viæ radio, &  
infirmæ corporis habitudine defatigatus,  
quiescendi cōmorandiq; locum Romæ fru-  
stra quæsiuisset: ineunte vere vna ambo  
de reuersione cogitant; seseq; ad eam, cæ-  
teris omnibus in præsens omiſſis, compa-  
rant atque accingunt.

Solatur  
Venduili-  
um.

Commoto autem grauius, pro eo quo  
erat zelo, Vēdiuilio, quā vt se continere  
potuerit; conqueritur inter eundem, quod  
tam pijs postulationibus suis tam pij Pō-  
tificis aures non patuissent; seq; paulatim  
interim totum Alano aperit. Alanus au-  
tem virum bonū non modo pluribus ver-  
bis deliniuit, sed vchementer etiam exci-  
tauit. Nam quando nos Christi chari-  
tatisque lege arctiori vinculo astringimur  
nostris, quam alienis, vicinis quā remo-  
tio-

tioribus, Christianis quàm ethnicis: quando etiam commodius vtiliusq; opera nostra poni potest in ijs ab hæresi reducendis, quibuscum patriæ, linguæ, morû societatem habemus; quàm in illis informandis, qui longè gètiū absunt, nec vlla nos peculiari cōmunionē attingunt; magnòpore illi auctor erat & hortator Alanus, vt quas de Infidelium conuersione cogitationes, alias sanè illas valdeq; difficiles concepisset; eas ad suorum vicinorumq; populorum salutem, multò certè faciliores, & charitatis fructu vberiores cōuerteret. Atque infusa profecto in Alani mentem cogitatio ista ab ipso cælo fuisse videtur. Nam tantam vim habuit apud Vēdiuiliū hæc illius oratio & ad tristitiam mitigandam, & ad consilium approbandum amplectendumq; , vt plurima inde bona in Flādriam, Holandiam, cæterasq; vicinas prouincias deriuata sint: atque ipsa quidē Anglia quicquid nunc penè habeat in se sementis catholicæ, id omne huic Alani consilio ferre acceptum debeat. Nūquā enim, quoad vixit, prætermisit Vēdiuilius cōnari, mouere omnia ad catholicæ fidei conseruationem & in toto Belgio augmentum. Neque Duacum reuersus quieuit antè, quàm Alanum illuc ad se vocatum, & in Doctorum numerum adscriptum honorifico ac Regio stipendio

*Utilitas  
consilii A-  
lani.*

E augen-

augendum curasset, inſuper ad Anglorum Seminarium illic fundandum, confirmandum, amplificadum. omne illi adiuuētum ac præſidium non modo in præſens, ſed in poſterum quoq; tempus attuliſſet, & procuraret.

*Inchoat  
Seminariū  
Duaci.*

Appulſus Alanus in optatum à ſe diu quietis ac ſtudiij portum, primos ſtipendij ſui prouentus conferens in futurū Seminarij, quòd animo conceperat, uſum; domum ſatis ſpacioſam, & quæ plurimos capere poſſet, conduxit. Quæ res admirationem illam, quam ab initio mouerat, tum facere deſijt, cū ex Louanio alijsq; citimis locis nonnulli ab Alano euocati, in eam domum, tanquam paruum aliquod collegium, acciperentur. Ex his autem, qui primi ad ipſum commigrarunt, aliqui erāt ipſo non minores opinione, certè ætate & canis ſuperiores: & tamen hi omnes proprio iudicio ſuo, impellēte nemine, ſe ſub auctoritatem adeoq; imperium eius non grauātē ſubiecerunt: grande documentum hoc factō exhibentes tum ſubmiſſionis ac modēſtiæ ſuæ; tum iudicij ſingularis, quod de Alani integritate, prudentia, ſuauiſſitēq; faciebant.

His ſocijs iecit Duaci prima naſcentis Seminarij ſui fundamenta, at non ſine multa difficultate: operoſa enim eſſe ſolent  
ma-

magnarum rerum initia . Itaque nisi ipso ab initio multa ille ratione atque prudentia sua & his satisfacisset , quos incepti magnitudo ac difficultas deterrebat; & illorum placasset animos , qui suis rationibus non leue damnum illatum iri per Seminarium suspicabantur ; inanis & cassus labor eius, ac studium omne extitisset. Lætus ergo ille valdèq; erectus initij huiusce tam felici euentu ; multò nunc magis de aggreganda multitudine , quàm de pecuniarum prouentibus erat sollicitus . Qui quidem etiam si id temporis essent valdè exigui, vel veriùs nulli ; vtpotè quos ipse aut ex sua mercede non ita magna conferre, aut à quorùdam bonorum virorum moderatis eleemosynis colligere poterat: nefas tamè sibi duxit pertinere, ne ad vitam necessaria defutura essent his , quos in sanctissima causa diuinum planè consilium spontanea; voluntas vnum in locū, & in communem vitæ consuetudinem congregasset.

Ad primam erecti Seminarij vocem, quæ latè per Angliam mox intonuerat, permulti ex vtraq; Academia , indole ac *Pulchrum* genere clari, quasi ex torpore, & diuturno *initium* somno sunt excitati, qui nō ita multò post *Semina-* non solum famæ constantia confirmati, *rii.* sed multò magis secretis Alani literis in-

flammati & inuitati, Duacum absque mora frequentes aduolarunt. Hos ille omnes mira susceptos alacritate, tanta cura charitateque perpetuò prosecutus est; ut non pater indulgentior in amplectendis filiis; non magister diligentior in informandis discipulis; non necessarius benevolentior in omni officio persoluendo esse potuerit. In gubernandi verò ratione ea semper utebatur æquitate, ut vita singulos, non affectu, meritis, non priuato officio metiretur: ea itidem prudentia, ut in tanta humana fragilitate æquè erranti aliquando veniam, ac rectè agenti gratiam ac laudè habuerit propositam. Etenim cum errata illa, quæ in tam sanctum cœtum ut plurimum irrepunt, leuissima esse soleant; hæc ferè ille non tam animaduersione digna, quàm silentio iudicauit: ne videlicet, qui per tot incommoda ac difficultates, contradicente semper magistratu, ipsiq; inuitis plerunque parentibus, se ad eius fidem disciplinamq; contulissent; ideoq; omni illecebra, & humanitatis incitamento animandi essent & alliciendi; hi maioris cuiusdam seueritatis molestijs, & nouis incòmodis impositis aut omnino deterrerentur, aut languidiores tardioresq; efficerentur. Atque illi rursum quamuis genere erant dissimiles, ætate varij, impares



tes conditione, tamen ita fuerant in se inuicem animati, ita Alano addicti, debiti, obstricti vniuersi, vt in eo per omnem reliquam vitam colendo, obseruando, amando, vel obsequentissimè cuiusq; studium, vel pijssimi officium æquarint certè, aut superarint. Dum enim eorum vnusquisq; tanti seipsum facit, quāti ab Alano, æquo iudice, se æstimatum videt: dum illius voluntatem seruat pro lege; ad illius præscriptum libens gaudensq; se totum conformat; quemadmodum rarissimè à quoquam peccatum est, sic leuiter semper, & aut cū minima, aut nulla offensione. Nam apud hos, & in hoc Seminario, moderante Alano, solius pudoris & conscientiae vinculū id perfecit; quod vix alibi & apud alios vim & coercionem, parietum septa, iussa ac vetita magistrorum, multorum manus & oculos præstare posse videmus.

Sic positis firmissimis Seminarij fundamentis, Summo Pontifice ascito auctore, & Philippo Catholico Rege mæcenate, vt in cuius ditione esset, eius præcipuè patrocinio niteretur; eā dabat operam sedulam Alanus, vt ea caueret omnia quæ obesse; ea adhiberet quæ prodesse illius rationibus possent.

Pacis ac concordiae inter suos tam seriò amicus fuit, vt nil peius oderit, quàm

factiones ac partes. Delatoribus aures ad eo nō præbuit, ut eorum accusationes raro & molestissimè audiret; quin & eos ipsos tanquam violatores christianæ charitatis, ac potissimos turbarum omnium ac dissensionum in societate communi administratos & architectos, odio haberet singulari.

Quæ ad pietatē, & mores, & studia pertinebant, ea omnia optimè ac valde salutariter habebat constituta. Singuli dies suas horas precum statas: Singulæ hebdomadæ ieiunium duplex: Festi dies & Domini omnes confessionem, communionem, concionem deniquè certam habebant constituta.

Doctores diuinæ legis varij, etiam Philosophiæ, imò verò & aliarum sciētiarum (nam ratio omnium habebatur) præterea Græcæ & Hebraicæ linguæ, audiebantur quotidie.

Disputationes, atque aliæ literariæ exercitationes publicè, & è superiori loco, & inter mensas, & priuato examine habebantur assidue: nam nec minimum quidem temporis abibat inutiliter.

Sacrorum autem bibliorum lectio tam frequens erat & continua sine intermissione, ut integrum utrumq; Testamentum, Vetus duodecies, Nouum decies & sexies, trien-

triennij fermè spacio sit decursum . Reliquorum vero scripta, quæ ad historiam, resq; ecclesiasticas pertinent, quæque contra hæresim, aut pro Ecclesia faciunt; puta Bedæ, Vualdenfis, Augustini cōtra Donatistas, Cypriani de vnitæte Ecclesiæ, Hieronymi in Vigilantium & Iouinianum, aliorumque similium, priuatim ac diligenter legendo conterebantur.

Et quia ad Anglicanæ vineæ culturam non tantum exactior illa subtiliorq; doctrina; sed plus eo scripturarum, controuersiarumq; intelligentia perfectaq; cognitio; etiam charitas & zelus domus Dei; demum prudentia ac probata vitæ consuetudo proficiebant: multum in omnes partes Alani sermones valebant, cum ad fraudes hæreticorum detegendas, ac veritatē manifestandam; tum ad præproperos reuocandos, seignioresq; incitandos; denique ad virtutis amorem inferendum, aut funditus e contra extirpandum, quicquid speciem habere mali in quoquam videretur. Comparabat ille aliquando inter se nostram catholicam cum illorum hæretica ecclesia; quam illa plena maiestatis. quam hæc expers omnis dignitatis; quam in illa eluceat cæremoniarum splendor, Sacramentorum præstantia, diuinitas sacrificij; quam in hac e contrario conspiciatur um-

bra sine sacramento, secta sine sacrificio;  
sola fides sine opere, ecclesiastica disciplina ratio sine decoro. Addidit adhuc ad red-  
dendos adolescentes animosiores, Angli-  
cam gentem maximam olim, nunc propè  
nullam religionis habere rationem: olim  
Ecclesias vt frequentissimè, sic sanctissimè  
ab omnibus adiri; nunc raro & à paucis,  
idq; non pietatis zelo, sed sæpius aut vi,  
aut metu, aut vanitate, aut consuetudine:  
olim adhiberi pastores doctissimos, castis-  
simos, vigilantissimos; nunc fermè impe-  
ritos, sordidos, sensus ac libidinū seruos:  
Ecclesias, Monasteria, Sanctorum quondā  
domicilia & maiestate ornatuq; veneran-  
da; nunc deformata & omnibus ornamen-  
tis spoliata, in lustra & popinas conuer-  
ti; Et vincula illa carceresq; facinorosis ac  
furibus destinata, nunc Sacerdotum cu-  
stodijs innocentiumq; supplicijs despon-  
deri.

*Doctiores  
ex Anglia  
auocat.*

Excurrunt deinde in Angliam intimā  
alii Alani conatus. Nam nobiles viros li-  
teris laceffit, & ad catholicæ fidei studiū  
impellit: doctiores ad se elicit & inuitat:  
indoctos corrigit, instruitque: postremò,  
vt quoscūque absētes quibus potuit cha-  
ritatis officijs demeretur; ita omnes ad  
Seminarium suum vel fortuitò, vel aliqua  
sua, suorumue causa accedentes, tum be-  
nignis-

nignissimè accipit, tum instituit diligenter, tum singulari beneuolentiæ significatione prosequitur discedentes: atque hac profecto ratione, his officijs studij & amoris plenissimis quamplurimos lucratur Christo: Seminarij verò nomen apud omnes efficit honoratum valdè, ipsumq; breui etiam copiosissimum.

Neque hoc interim spacio à scriptione aut à scholis feriatum est: nam & docuit quotidie, & scripsit de Imaginibus, de Prædestinatione, de Sacramentis, & alia.

*Scribit de  
Imagini-  
bus, Præ-  
destinatio-  
ne, sacra-  
mentis, etc.*

Non defuere Duaci viri auctoritatè & virtute præstantes, qui his Seminarij principijs valdè fauerunt, suamq; in illud liberalitatem memorabilem exercuerunt. Sed & ipsemet Deus suæ singularis prouidentiae documenta in illius necessitatibus & hoc tēpore, & alias, opportuna alicuius viuientis, aut morientis liberalitate subleuandis edidit illustria. Nam Morganus ille, cuius mentionem antea fecimus, è vita discedens, pecuniarum, quam habebat summam non contemnendam, Seminario reliquit vniuersam, qua sanè non mediocriter & præsens inopia eius, & grauis Alani sollicitudo subleuata est.

Cæterum excrescens in dies cum scholasticorum numero Seminarij sumptus, non solum maiori, sed etiam certiori vetustigali

*Pontifex  
& Rex  
Hispania*

*conferunt  
Semina-  
rio.*

Angli indigere videbatur. Id quod non ita multò post, supplicante Alano, amplum ac honorificum accepit, partim à Gregorio XIII. longè optimi, sanctissimi, liberalissimique Pontificis, partim à Catholici Regis potentissimi, & de Anglorum gente optime meriti, benignitate; huius annua, illius menstrua, in eius vsus pensione constituta. Insuper ab eodem Pontifice potestas, diplomate confirmata, facta Alano est, ut quoscunq; sui Seminarij Anglos sacerdotio aptos iudicaret, eos quando vellet, & cui vellet Episcopo vicino initandos sisteret; inauguratos verò per amplam ligandi ac soluendi facultate donaret, & in Angliam suo ablegaret arbitratu.

*Fruſus  
Seminarii*

Ex hac re statim est consecuta tanta rerum animorumq; in Anglia mutatio, ut planè constiterit, cum Pontificis mente, atque Alani studijs Dei Optimi Maximi iudicium voluntatemq; consensisse. Nam simul ac pauci aliqui ex hoc novitiorum grege adolescentes, instructi rebus ad tantam militiam necessarijs, pedem in Anglicano solo Alani auspicijs fixissent, & suæ virtutis animorumq; altitudinis multa in privata consuetudine, aliqua in iudicijs, publicisq; congressibus, non pauca in carceribus, vinculis, & patibulis præclara exempla edidissent; non modo fluctuantium animi

animi, aut quasi somno voluptatis & ignorantia dormitantium, erecti primum ex-  
perrectiq; sunt; sed ipsimet hæretici, qui  
leuiculum Seminarij initium, vel ob inna-  
tam sibi superbiam irriserant, vel ob par-  
uitatem ipsius contempserant; nunc con-  
fusi ac perturbati vehementer proprijs  
diffidere viribus, & nonnihil de statu re-  
ligionis suæ timere cœperunt.

Tali suorum virtute, aduersariorum,  
perturbatione, omnium motu doctus Alanus,  
clare animaduertit, plurimum è re  
catholica fore; vt, quando spes tam magna  
vberrimæ messis ostendatur, multæ sint  
operæ, quæ ad istud Domini opus vrgen-  
dum acrius grauiusq; incumbant. Hoc ve-  
rò neque rectius perfici, quàm si plurima  
varijs in locis habeantur Seminaria; neque  
Seminarium vsquam facilius aut vtilius  
institui posse, quàm Romæ; quippe vbi re-  
ctissimæ quæque disciplinæ; maximè quæ  
ad fidem & religionem spectant, optimè  
discantur; sitque Anglorum hospitalis do-  
mus, quasi non paruum noui Seminarij  
iam comparatum fundamentum.

*Semina-  
rium Ro-  
manum.*

Cómodum acciderat, vt per id tempus  
Odouenus Ludouici, post Episcopus Cas-  
sanensis, vir prudens ac pius, nec minus  
particeps cum Alano in his consilijs ca-  
piendis, quàm adiutor in perficiendis, Ro-  
mæ

ma fuerit. Eius enim opera auxilioque, non solum parato, sed etiam efficaci usus Alanus, paulò post obtinuit, ut octo illis sacerdotibus, qui sumptibus hospitalis tunc temporis viuebant, cedentibus, tota domus in scholasticorum usum saluo iure peregrinorum concederet. Addidit autem veteribus hospitalis vectigalibus Pontifex nonnihil ex sua liberalitate, ut maiori multitudini sustentandæ essent satis.

*Duaco  
eiecitur  
Alanus.*

Alanum hæc & alia eiusmodi enixè molientem tumultus Belgici grauissimi, & coniurationes iniquorum Duaco eiecerunt; extinxissent autem, ni is fuga perceri de eorum manibus se eripuisset. Nam ereptum illi tam tulerunt grauiter, ut omne virus suæ feritatis in eius perniciem, cõceptum, in Seminarium, eius reliquias, euomuerint; atque breui post illud publico edicto (si edictum illud appellari meruerit, quod ab imperita & iracunda plebe, vesano quorundam furore concitata, bonis omnibus inuitis, profectum est) ciuitate expulerint. Erat nempe illis persuasissimum, Præside profugo ac sine sede, cæteram multitudinem non habentem, quò confugeret, dispersam & vagam quam citissimè ad nihilum redactum iri. Neque vana hæc fuisset cogitatio; nisi misertus Angliæ Dominus singulari prouidentia & boni-



bonitate sua paruam hanc fidei catholice sobolem, in magnum eius & perpetuum bonum aliquando futuram conseruasset: dum eam virtutem Alani precibus, eam mentem Franciæ Principibus infudit, vt Anglis non solum tutum in præsens receptum, sed plurima in posterum insigni humanitatis beneficentiæq; officia præter multorum expectationem exhibuerunt.

Vix dum Parisijs Rhemos Alanus con-  
cesserat, cum ecce, qui è suorum numero  
primi euaserant ex Duacensi flamma, vi-  
ginti & amplius, p multa pericula & via-  
rum incommoda (erant enim omnia mi-  
litibus plena) eo tandem perueniunt: hos,  
Seminarij illius primum futurum semen,  
non sine multo sudore multisq; difficulta-  
tibus (erat nanque in timore & suspicio-  
ne ciuitas) admitti primò, deinde retineri  
curauit: donec tandem, eximio Guisiorum  
Principum beneficio ac patrocinio ita  
stabiliti & confirmati sunt; vt annis plus  
minus quatuordecim, quibus illic postea  
per summam tranquillitatem permanse-  
runt, & multam in se illorum Principum  
egregiamq; liberalitatem sint experti; nec  
vlla vnquam populi Francici veri amo-  
ris indicia, atque officia desiderarint.

*Rhemi  
receptus  
Alanus ex  
Seminari-  
um.*

Legatus autem Regiæ Angliæ, qui Pa-  
risijs residebat, etsi iniquissimo tulerit  
animo

animo locum quiescendi Rhemis Seminarium inuenisse; multa; sit ab ipso initio contra id molitus; tantum tamen apud Regem efficere non potuit, ut, eo concedente, quicquam in illud graue iniuriumque statueretur.

Interea verò temporis plurimi se ad numerum alumnorum ascribunt, ac nomina profitentur; partim commoditate loci & securitate illecti; partim commoti Alani nominis existimatione, quæ ubique & apud omnes erat summa; sed maxime inducti immensa quadam & bene cognita viri charitate; quæ complexa omnes; neminem aduenientem, in quo ingenij lumen, ac bonæ indolis ac doctrinæ vestigia cernebantur, respuebat. Atque inde factum est, ut cum per id tempus ex quinquaginta paulò minùs, qui Duaco venerant, Seminarium constaret;

*Alumni  
Seminaris  
Rhemensis  
ducenti.*

non longo post admodum interuallo ducenta circiter capita percenserentur numerando. Memoratu sanè dignum incrementum; vel eò magis, quòd singularis in illo Dei bonitas manifestè eluxerit. Nam cum in tam multorum capitum accessione nihil omnino aut prouentibus Seminaris, aut priuatæ Alani rei esset adiectum; tamen, ut nec antea illis paucis quicquam superfuisse, sic nec his, in quadruplum postea

stea multiplicatis, ad vite vsus necessarios, aliquid defuisse, certius est celestis fauoris & patrocini argumentum. quàm vt de eo dubitari aut possit aut debeat.

Per eos fermè dies Romanum Anglorum hospitale, opera (vti dictum est) Odo ueni, re tota ex animi sui sententia transacta, conuersum est in collegium scholasticorum. Quod cum nouis legibus & institutis esset ordinandum; atque ea disciplinæ ratio introducenda, quæ ad Angliæ bonum esset accommodatissima: non alia quàm Alani requirenda sententia, nec cuiusquam æquè ac illius adhibendum, consilium videbatur. nemo enim erat illo aut in rebus Anglicis versatior, aut in naturis Anglorum periclitandis exercitior; nemo vel patriæ amantior, vel iudicio incorruptior. Is igitur Romam à Gregorio XIII. nulla interposita mora vocatus est.

*Alanus  
Vocatus  
Romam.*

Hoc primùm tempore duo è Societate Iesu Angliam ingressi sunt, assentiente & suffragante Alano. Gnarus enim ille, quantum valere tum ad exemplum, tum ad commouendam multitudinem ipsa fama ac nominis celebritas soleat; non modo notissimos quosque, & opinione hominum doctissimos ad se ex Anglia studiosissimè semper euocauit, sed etiam censuit,

**cos**

*An. 1580*

ēos iterum in Angliam vtilissimè posse remitti, qui nomen antea apud suos habuerint, quorumq; labores scholastici iam dimanassent ad hominum ibidem existimationem. Quādoquidem igitur Campianus ille, qui aliquot ante annos se ad eam Societatem adiunxerat, is erat, cui perpetua

*Iesuita  
nunc pri-  
mum An-  
gliam in-  
gressi.*

& constans commendatio eximiam doctrinæ ac virtutis opinionem domi forisq; apud omnes conciliauerat; valde è re catholica futurum non dubitauit, vt ipse in Angliam primo quoque tempore mitteretur. Cumq; ei socius consiliorum, perinde ac periculorum esset adiungendus; visum fuis est, vt Robertus Parsonius ei accederet, vir vt religionis nomine commendatus, sic prudens prouidensque ad suorum normam habitus.

Ille quidem Alani ad Urbem accessus, atque hic rursus Iesuitarum in Angliam discessus, timore incerto, at graui, magistratum Anglum impleuerat. Cui vt in omnes partes esset prouisum, non solum noua ac seuera Edicta in Iesuitas ac Seminariistas promulgat; sed eisdem etiam libello edito passimq; sparso, multis calumnijs & criminibus falsis onerat: nec tantum adumbratis flagitiorum titulis, sed legum suarum laqueis implicat, & constringit.

Huic libello alio sup, cui Apologiæ Seminario-

nariorum titulum præfixit, Alanus ita respondit, vt ignoratum sit, suorum ne innocentia, an propriae moderationis, ac prudentia clarius in eo atque grauius documentum dedisset.

*Apologia  
Seminario  
rū scrip-  
sit.*

Accidit circa hæc tempora, vt apertissimum Rhemenſium in se voluntatis testimonium Alanus perciperet. Canonice enim, qui in Ecclesia principe vacauerat, fuisse in eum singulari Cardinalis Guisij studio, iudicioq; collatum, tanta gratulatione prosequuti sunt socij omnes illius amplissimi Collegij; vt quo magis testarentur voluptatem animi sui, & quantopere Angliæ causa cuperent; Alanum ipsum ( vt liberior, & expeditior Seminarij rebus vacare animo, & corpore posset ) nouo ac singulari priuilegio, à publicis Ecclesiæ suæ oneribus, ac muneribus solutum & liberum esse voluerunt.

*Rhemenses  
in Alanū  
beneuoli.*

Hoc inter alia memoratu, & notatu dignum; in tanto numero Alumnorum, ac tam multorum annorum cursu, vnum Rhemis inuentum esse, Richardum nomine, qui ( vt ipsemet confessus est ) illusus ambitionis, & voluptatis falsa specie, quàm sibi animo formauerat, quodcumque posset aliquid efficere, quod his, qui cum potestate in Anglia sunt, gratum foret & acceptum; non solum percepta in

*Richardus  
sceleratus  
in Alanū.  
& Semi-  
narium.*

Seminario beneficia contempsit; sed quasi expers factus humanitatis, tùm in Alani caput, à quo omnia acceperat; tùm in Seminarij exitium, cui omnia debebat, pestem nefariè machinatus est. Nam, cibus omnibus veneno infectis, vna in cœna simul omnes necare nequissimè cogitavit. Sed maturè in apertum per sceleris consciium prolato facinore; non ad extremum perditus, culpam agnouit, deprecatusq; pœnam, magna Alani voluntate dimissus est.

Interim verò magistratus Anglus, quandoquidem adolescentes continuò ex Anglia exire, sacerdotes in Angliam frequentes redire animaduertit; maiori acerbitate utendum ratus, non iam minas, & legum, pœnarumq; terrores proponit singulis; sed carceres, tormenta, quæstiones in multos exercet; aliquos etiam cruce, sectione, flammis in terrorem aliorum, enecat. Quæ quidem crudelitas, maxime humanæ inimicæ naturæ, cùm malè apud exterarum omnes audiret nationes, ut à iusta aliqua, vel propè necessaria causa proficisci videretur, libellum quendam, Iustitiæ Britannicæ indicem fronte ostentantem dispulgant; in eoq; nituntur ostendere, eos omnes catholicos, qui mortis sententiæ in Anglia addicuntur, reos criminis

Respondit  
Iustitiæ  
Britannicæ

minis læsæ maiestatis, legitimoque iudicio convictos interire. Quod cum non modò falsum esse constaret; sed fore etiã, si crederetur, perniciosum ita, ut in causæ catholicæ arcem nulla re gravius posset inuadi: huic turpi infamiæ cupiens Alanus obuiam ire quam citissimè, alium librum, paucorum dierum labore confectum edidit; in quo tum sacerdotum, catholicorumq; vexationes necesq; iniustissimas, tum insignem aduersariorum malitiam, fraudes, atque calumnias breuiter quidem, sed apertissimè retexuit.

In aliud deinceps discrimen vitæ Alanus incidit. Nam consuetudo eius cum Ioanne Austriaco Belgij Prorege arctior, & communicatio per literas paulò frequentior, grauem ac vehementem suspicionem in Anglorum animis commouebat. Cuius suspicionis timor ut aliqua amoueretur ratione, omni enitendum ratione putabant. Amoueri autem non posse certiùs aut prudentiùs, quàm si via iniretur, qua vnus, & alter è vita tolleretur: nisi enim his sublati, nunquam se intuto, nunquam sine metu futuros. Summæ difficultatis hoc consilium esse; attamentanda omnia publicæ securitatis gratia. Imò vero rem rectè considerantibus oblatam nūc quasi diuinitus occasionem,

*Vita Alani iterum tentatur.*

*Egremundus Raclefus.*

quæ non erat negligenda . Habere namq; se in carcerem conditum Egremundum, Raclefum, militem non malum, strenuum profecto ac manu promptum; neque capitis modò reum, sed supplicio iam addictum: tentaturum hunc quodcunq; facinus, modò impunitas ei & præmij spes ostendatur. Si ex sententia res & perinde, vt cupiunt, succedat, se extra periculum, & extra curam fore: sin minùs, noxam illam omnem Raclefi solius periculo castigatum iri. Neque fuit Raclefus tardus ad arripiendam conditionem, & omnia promittenda: non tam sperata mercede, quàm libertate ac salute non expectata lætus. Nec certè ratio constat, quæ ille motus, manus ab Alano tunc abstinuerit, cùm ad Austriacum tendens eum visitandi gratia Rhemis adijisset. In Alano vero ea fuit firmitas animi & constantia, vt licet haberet plurimorum literis consilia Raclefi, & quæ acta cum illo erant, notissima; adeuntem tamen ad se non modò non repulerit, sed in longum ac secretum admissum colloquium, benignè & amicè obiurgatum dimiserit.

*Morbus Alani grauissimus.*

Dum his studiis hisque periculis Alanus defungitur, non laboribus parcens, sed animo & corpore, noctes ac dies excubans suis: morbum contraxit grauem,

&



& præsentis periculi eò magis plenum., quò magis vera causa tanti latentis mali ignorabatur. Non enim calculus aliquis, non tumoris vitium, non alia quævis impedimenti ratio apparebat, cum tamen ille decem diebus ipsis nullam prorsus vrinam reddere valuerit. Sic ergo morbo sua pertinacia omne medicamentum superante, Spadanas tandem aquas, his qui tali laborant morbo, salutare, ex consilio medicorum adire constituit. Neque ab ingresso semel itinere destitit, quamvis, cedente interim malo naturæ muneri, in ipsa morbi nocte vndecima vrina paulatim effluere incœperit, ac proprio suo impetu, perque modica quædam interualla de integrò emanare.

Rhemis discedens Alanus non sine multis Alumnorum omnium lacrymis, curæ communi seniorum Seminarium commendatum reliquit. Ad aquas autem illas nondum per multos constiterat dies, cum literis ac precibus patrum Societatis Iesu Romam accersitus est; ea causa, ut discordias quasdam, quæ in illo Anglorum Collegio patribus istis cum Scholasticis, qui sub eorum disciplina erant, intercescerant; ille pro ea, qua apud omnes valeret auctoritate existimationeque sedaret atque componeret. Multa iam ad Ala-

*Romam  
iterum  
vocatur,*

num fuerant perlata litteris , ac rumoribus de diffensione hac, neque leuem inde animo molestiam traxerat. Itaque cum ad tantæ charitatis munus ab ipsis nunc patribus erat inuitatus ; non modò libenter ac statim assensus est, sed tanta voluntate se ad iter accinxit, vt quamuis valde adhuc esset & corpore infirmo, & imminutis viribus ; tamen confestim se dare in viam adeo longam & molestam , & causam pacis, religionis, patrijque commodi omnibus suis commodis, adeoque salutis ac vitæ præferre, non dubitauerit.

Postea verò , quàm Romæ paucissimorum dierum adhortatione & diligencia hac in re quæ voluit, ac vt voluit (quod antea vix credibile quibusdam est visum) effecisset ; atque animos illos variè distractos ad priorem & nulli ingratam concordiam, oblitteratis offensionibus, reduxisset: nihil illi longius videbatur, quàm illud anni tempus videre, quo, transactis hybernis mensibus, & refectis aliquantulum ex ægritudinis & itineris molestia viribus, reuerti ipse Rhemos ad suos consolandos, & ad solita sua munia in Seminarij ac patriæ vsum bonumque obeunda posset.

Verùm hanc scim suam, pro suorum desiderio accensam, quò minus reditu sedare potuerit, variæ res effecerunt, & obstitit.

stiterunt : sed illud in primis , quòd non post multos menses à Sixto Quinto , longè prudentissimo & maximo Pontifice , ad nouum , nec ab eo aut expectatum , aut concupitum Cardinalatus honorem extra tempora statà , sine altero solus , & ad maiora destinatus , fuerit ascitus. Alanus enim , quæ erat modestia & submissione animi , magis quæ cœli , quàm quæ terræ sunt quærentis ; nec hunc , nec alium honoris gradum aut prehensauit vnquam , aut præoptauit. quinimo , ( nisi nos vana aliquando à viris magnis ac fide dignissimis accepimus ) ipsum hunc honorem à Gregorio XIII. alias ei oblatum , non modò auidè amplexus non est , sed etiam refugit ; atque vt res Angliæ tunc temporis se habebant. nonnullis in contrarium adductis rationibus est deprecatus .

*Creatus  
Cardina-  
lis.*

Sed qui dignitatem hanc perquisiuit nunquam ; is tamen acceptam pro gradus amplitudine sustentandam putauit. Nouerat enim honorem omnem perinde laboris precium esse , atque virtutis præmium : eumque honore omni esse indignum , qui honore uti aut nolit , aut nesciat . Quare nouis ille cogitationibus erat restrictissimus ; qua nimirum ratione adeptam dignitatē pro amplitudine tueri

*Vt se ge-  
rit Car-  
dinalis.*

atque non solum in his, quæ ad se suumq; officium pertinerent, non deficeret; sed ea etiam præstaret, quibus (quoad fieri posset) præiret alijs ac præluceret.

A Senatu & Consistorio, ad quod singulis ex consuetudine hebdomadis Cardinales à Pontifice per viatorem accersiti consilij capiendi causa solent conuenire, neque absuit Alanus vnquam, neque nouissimus aduenit: In sententia verò dicenda eam adhibebat modestiam, vt non alium offenderet; eam libertatem, vt suam non læderet conscientiam. Cumque in duabus Congregationibus præcipuè, Indicis, & Germaniæ, Pontifex illius opera vteretur: in id diligentiam conferebat, ne minor sua sedulitas fidelitasq; in consulendo, quàm moderatio in contendendo videretur: quin procul ipse ab omni inuidia & ostentatione, non erat aut æmulatione collegis, aut contentione vnquam, contradicentibus molestus. Quibus rebus euicit, vt cum virtus ac prudentia sua Pontificibus indies notior esset ac probatior, tum consuetudo collegis gratior & coniunctior.

In sacris Biblijs Sixti Quinti nomine, Clementis Octauï iussu editis ac promulgatis, Alani operæ, indicij, diligentia pars non exigua fuit. Cumque Congregationis  
Indi-

Indicis cura altera illa vel maxima fuerit, ut non modo Biblia, sed veterum quoque Doctorum volumina à depravationibus, quæ misera recentiorum temporum cæcitate & malicia irrepererunt, expurgata prodirent quam emendatissima; Alani sollicitudini commissa sunt ea, quæ à Diuo Augustino sunt scripta omnia. In quod pensum opusque, vastum ac multiplex, dum omni cogitatione, ac studio cum alijs quibusdam, qui ei suberant, incumbit; mors, quæ magna conantibus semper immatura, celeriter nimis & laborum, & vitæ finem illi attulit.

Sed nec istæ, nec aliæ, quamvis gravissimæ & latè parentes cogitationes, causæ fuere, ut cogitationem rerum Anglicarum vel ad punctum temporis abijceret. Nam has ita infixas animo gerebat semper, ut de nulla re magis, quam de earum ratione noctes diesq; meditaretur. Quem enim sæpissimè non appellavit eorum, qui plurimum poterant, quem neglexit eorum, apud quos ipse aliquid polleret? Omnes monere, orare, obsecrare nunquam destitit, ut in alijs maximis curis partem aliquam suarum cogitationum in Angliæ salutem conferrent: quæ Christiani Orbis pars

eiusmodi est, ut nec bene illa habere se, nec malè affecta esse queat; quin eandem suam, siue fœlicitatem, siue miseriam, cum alijs quamplurimis cõmuniceet necessario.

*Collegiũ  
aliud cogi-  
tas.*

Præterea Collegium aliud excitare in animo habuit ad sacerdotes accipiēdos, tam eos, qui, exacto in Seminarijs studiorum suorum curriculo, omnisq; doctrinæ fundamentis præclarè iactis, ea essent ingenij bonitate, ut brevi tempore, nec magno negotio, ad summam eruditionis perfectionem peruenturi viderentur; quàm illos, qui post præclarè positam in Anglica messe operam, exilij causa, aut periculi deuitandi solum vertere cogerentur. Atque hoc quidem Collegium maximè utile ac necessarium etsi maximè cupiebat; tamē multa erāt, quò minus illud perficere potuit, impedimento. Nam præter angustias rei suæ familiaris, & voluntates quorundam ab eo paulum auersas; etiam ij, à quibus præcipuā opem expectare poterat, alijs exhausti necessarijs sumptibus, illud subsidij, quod erat necesse, conferre nequiverunt.

*Cura Se-  
minarii  
Rhemiensis.*

Cæterum, nec Rhemensis Seminarij eum cœperat obliuio, cui, ne longa hac intermissione, & moderatoris desti-

tu-

tutione grauioris aliquid incommodi subeundum esset , Richardum Baretum Præsidentem constituit . Erat iste Baretus vir optimus , doctrinæ , & pietatis multæ , & qui Romæ aliquot annis , Rhemis diu sub Alani disciplina vixerat: sed erat natura paulò seuerior , & iracundior . Quos quidem feruidi animi motus antea latentes cum in imperio ac potestate prompserat liberius ( raro enim in dominatu moderatio, & potestas sui ) offendit multos scholasticorum , & tantas turbas mouit , vt ijs sedâdis multæ Alani litteræ , obiurgationes , castigationes vix suffecerint . Immò nisi ea fuisset apud scholasticos Alani auctoritas ; is rursus in Alanum eorundem amor ac reuerentia , vt nihil potuerit maius esse , magisq; ex animo ; neque has ille rixas sustulisset tam facillè ; & multò sanè difficilior tumultus illos compressisset , quos grauioribus , molestioresq; eadem propè tempora , at plures causæ , in Romano Anglorum Collegio renouarunt . Quibus tamen omnibus tollendis , mitigandisq; , quia ea facilitate , & celeritate semper usus est Alanus , vt aliorum errata in eius maximè gloriam concessisse videntur : incertum omnino relictum est , incautiores alij , aut proniores ad irritan-

dos animos, an Alanus felicior ad eodem placandos, molliendosque extitisset.

*Seminaria  
Hispanica*

Iacta paulò ante in Hispania fuerant duorum Seminariorum, Anglicæ iuuentuti recipiendæ, erudiendæq; fundamenta; ampla certè illa, ac singularia maximi Regis, eiusque populi in Anglorum gentem beneuolentiæ beneficentiæq; testimonia. Ad hæc augenda magis atque ornanda datur ab Alano opera, vt Pontificio diplomate confirmata, honorificis priuilegijs, & indulgentiis essent decorata.

*Cura priuatarum*

Cum ista communi & Collegiorum publica, etiam priuatarum ratio erat copulata. Ita enim respexit vniuersos, vt singulos curare non omitteret: atque ita sibi faciendum non solum ex officio, sed maxime suadente ratione existimauit. Nam cum patria necessitas omniũ, quotquot essent, industrias desideraret, ijsque opus haberet; ea singulorum ratio habenda videbatur, vt ne minimi cuiusquam opera esset negligenda.

Remotos atque absentes per se, & per alios commodando, & commendando, etiam, vbi opus esset, defendendo, subleuauit. Romam verò & ad se accedentes, qua poterat humanitate maxi-

ma,



ma; aut mensa, rectoq; recipiebat; si tales essent, qui suscipi mererentur; sin minus, quatenus liceret, ipsiq; expeterent re sua; consilio autem semper adiuvit. atque hac ratione meliores eos multo, quam cum venerant, & sibi, catholicisq; amiciores domum remittebat.

In pace, inter discordantes priuatim concilianda, inq; ijs controuersijs, quas sapius in Collegijs ortas meminimus, dirimendis, tali vsus est prudentia, moderatione, solertia, vt, quod difficillimum, id perpetuò sit consecutus; vt nec hac, nec illa parte plus iusto læsa, aut aliquo modo offensa, pariter ab vtraq; diligeretur.

Qui in famulatu ei fuerant, ac domestica consuetudine, hos non seruos sed filios nominabat: quasi ipse videlicet viri Ecclesiastici personam sustinens, non tam eorum se dominum, quam patrem reputaret. Tanquam igitur veri filij sibi essent, ita omnem illis suum amorem, curamq; impertiebat; necessitatibus illorum, quatenus per facultates dabatur, consulebat: singulis ex consuetudine mensibus eos per confessionem sacram noxis expiatis, diuino pascebat pabulo. Deniq; si quid in quoquam erat reprehendendum, id etsi

*Qualis in familiaribus*

quan-

quandoq; palàm (quod ita convenire videbatur) tamen rectissimè, cautissimèque semper faciebat. Nam non tantùm verbo, signove non notavit quenquam, aut quod latebat, aperuit; sed nec verborum adiunxit aut contumeliam ullam, aut acriorem acerbiteratem. Ut is planè iniquissimus videri posset, qui iniquo animo ferret id, quod ab eo indicatum, non tantùm latenter, & intra modum, sed dolenter, & inuitissimè animaduerterat.

In deligendis illis, quibus rerum familiarium præcipua cura erat committenda, sedulam adhibebat diligentiam. Electis, uti fidelissimis, fidem, amorem, sollicitudinem tribuebat: atque hac ratione se à domesticis tricis maxima ex parte liberauit, & famulis utebatur ferè optimis, multo sanè diligentioribus. Nam in probis, ac prudentibus vis conscientiae, & fides adhibita maius vinculum est, quàm metus ullus, aut suspicio, aut custodes mille. Iam verò, quia ipse se etiam aduersus eos, qui inferioris loci & conditionis erant, benignè & humaniter gerebat; neque quicquam per ministros suos de liberalitate sua diminui patiebatur (nam quod illis quacunque ratione debebatur, id abs-

absque fraude suo tempore præstari sedulo præcepit) neque cuiusquam querimonias audiebat ipse; & qui de illo sermones, siue domi, siue foris, per suos habebantur, non maledicentium erant voces, aut queritantium, sed verè laudantium, & reuerentiam simul, & amorem suum non simulatè testantium.

Quotidianæ vitæ eius ratio sic erat disposita, vt nihil in ea perturbatum, nihil præposterum reperisses. Erat multæ vigiliæ, somni parcissimi. A sacro, quod ipsemet quotidie faciebat, vel adcunctes audiebat, vel lectioni scriptionivè, in qua maximè assiduus fuit, operam dabat. In prandio, & cœna incuriosus, neque longus, magis animum lectione, quàm cibo corpus pascens, satiansque. Vacuum ei tempus quod erat relictum, si à prandio, sæpius eam consuetudinem retinuit, vt per loca, à tumultu & frequentia remota, curru circumuectus valetudini prospiceret: si à cœna, id hilari, latoque cum familiaribus sermone, quo magnopere delectabatur, sed ita, vt maiestatem seruaret, consumebat. Erat enim illi in more positum, seueritatem orationis condire mira iucunditate, & comitatem semper sic adiungere gravitati, vt

*Vita quotidiana.*

excellere in utroque; videretur. Postremo, ut diem continuò ab horis staret, ac Missa exordiri; sic recitatis litanijis eundem rursus concludere nunquam intermisit.

Finem ei vitæ eadem, quæ ante octo annos illum oppresserat, urinæ retentio apportavit: cuius quidem iam appropinquantis aliqua antecessere indicia. Nam in meiando difficultatem, sensit aliquotiens: atque vsum planè omnem quarti dextræ manus digiti sex ante mortem mensibus amisit. Quibus rebus quasi à diuino admonitus numine, de nulla re sapiùs, ac libentiùs cum quibusdam familiarium disseruit, quàm de suo celeri è vita excessu; ut faciliè cõstiterit, & sentire ipsum, & lætari vehementer, quòd corporis huius effracto carcere, breui ei libero tanquam in patriam foret reuertendum.

Decessit omnibus Christianis præsidij bene munitus, tanta animi alacritate, constantia, tranquillitate, ut adstantes omnes consolaretur, ipse nullius consolatione indigeret. Decessit autem mane, orto iam sole, ægritudinis suæ, mensisque Octobris die decimosexto, humanæ salutis anno M. D. X C I V.

Cle-

Clemens Octauus Pontifex Maximus *Pietas omnium in Alanum.*  
 pariter ac religiosissimus, vt Alanum-  
 viuum amore ac beneficijs, sic mortuum  
 pijs lacrymis & honore profecutus est.  
 Fuit enim eius exitus bonis cunctis gra-  
 uis, Angliæ immaturus, suis luctuosissi-  
 mus, notis pariter atque ignotis mole-  
 stiam exhibens. Hoc testata sunt bonorū  
 suspiria; suorū tristitia; miserādi, qui secu-  
 ti in Anglia sunt, casus ac dissidia; deniq;  
 omniū ordinū in eius funere, exequijsq;  
 cohonestandis, studiū, mœror, frequētia.

Fuit eius species & corporis habitus  
 ad pulchritudinem & dignitatem com-  
 positus egregiè: vultus & facies, quæ opi-  
 nione & indicio virtutis nō fallaci gra-  
 tiā & amorē facilè conciliarent. Candor *Habitus Corporis & Animi.*  
 verò animi fuit eiusmodi, vt cū in ver-  
 bis & actionibus omnia ad conscientiā,  
 nihil ad ostentationem referret, certè vt  
 fidelem non negaueris, ita virum bonum  
 dixeris necessariò.

Incredibilis in illo erat verecundia ac  
 modestia; quæ apud bonos viros persæpe  
 ei commodo, semper certè laudi fuit. *Virtutes Alani.*

Integritas verò eiusmodi, quæ nec  
 odio, nec amore impelli, nec retardari  
 ab officio timore potuit.

Proximos amabat amore verè Chri-  
 stiano; suos singulari, eo tamē, qui cōtra  
 ratio-

rationis officij; præceptum nihil unquam tribuerit necessitudini.

Ex constantia ac moderatione præditus fuit, ut parem animi firmitudinem, similemque vultum in omni fortuna prætulerit. Honores nec appetiuit, nec adeptus amplissimos, incessit inflatior aut arrogantior.

Liberalitatem exercuit veram & commemorandam, non ijs donans qui donare maxima possent; sed nihil adeò unquam habens suum, quod non omnium itidem calamitosorum esse videretur.

In naturis hominum internoscendis perspicacissimus: in rebus æstimandis scientissimus: in scribendo cum primis prudens & eloquens est habitus.

Memoria illi magna; iudicium singulare; sermo gravis, urbanus, elegans, & (quæ laus præcipua est) ingenuus & verax.

Pietas eius, iustitia, castimonia, zelus, notiora sunt omnibus, quàm ut plura hic dicere sit necesse.

Magnitudo animi fecit, ut humana omnia pro nihilo duceret, ut patriam, spesq; maximas Christi & fidei causa relinqueret; ut fastidium, diuturnitatemq; morbi ferret æquissimè: ut ipsa morte nec charorum sui hominum immoderate,

ratè, & sua leuissimè commoueretur.

His virtutibus, hac valetudinis gratiâ & continua imbecillitate impleuit annum sexagesimum secundum: quæ ætas robustis & rectè valetibus longa potest videri; Alano verò eò breuier, quò maior spes, si paulum modo superuixisset, & multa per eum Angliæ bona parari posse, quæ nunc vix, aut tardè sperantur; & multa incommoda prohiberi, quæ deinceps euenisse nimio cum mœrore nostro recordamur. Sed felix Alanus, cui diuinam in se misericordiam tam benignam experiri meruerit, vt in corpore infirma vegetam mentem gesserit: in voluntaria paupertate aliorum necessitatibus subuenerit: exul, & procul à patria, patriam dilexerit vnicè, patriâ iuuarit maximè: viuens inter alienos, obseruatus sit & cultus tanquam à suis: abiens è vita decesserit Romæ, præuisa ac præsensâ morte, in medio amicissimorum suorum; atque pari omnium ordinum dolore & officijs, studij eximij plenis honestatus & honoratus. Miseri verò Angli, quos quasi pupillos & orfanos post se reliquit: atque ipsa infelix Anglia, quæ in vno homine, vnoq; die tantum perdiderit, quantum alij omnes vix videntur reliquo tempore restituturi. Sed bona spe ducimur, il-

luna

Iam sempiternæ felicitatis portum, quem contento cursu, quantum conniti viribus animoq; poterat, semper petierit, iam ingressum, & posse nos eò fouere & amare ardentius, quò est ipse nunc charitate perfectior; & velle pro nobis Christum rogare eò impensius & efficacius, quò est Christo iam propior atque coniunctior. Nos igitur vicissim tanti viri memoriam ita colamus, ita conseruemus, vt ad virtutum illius contemplationem excitati, & quæ fecerit imitemur, & quæ docuerit exequamur; vt hoc modo grati, digni similiter efficiamur, quibus, eo intercedente, à Dei bonitate concedantur bona illa, quæ nobis in hac vita salutaria esse possint, & in altera cum illo æterna.

F I N I S.



### *Errata.*

Pag. 11. lin. 20. In Anglia.  
pag. 14. lin. 20. annum 156.  
pag. 23. lin. 2. Desinit,  
pag. 24. lin. 13. Qua,  
pag. 31. lin. 26. ab iis  
pag. 40. lin. 19. fecimus acceptam  
pag. 42. lin. 3. faciente  
pag. 43. lin. 14. Seruatori  
pag. 60. marg. Merore laborat,  
pag. 92. lin. 20. maxime

### *Corrige.*

In Angliam  
alii 170. alii 182.  
finit  
Quæ  
ab aliis  
ferimus acceptum  
fauente  
Saluatori  
tabe laborat,  
maxima



R O M A E,  
Apud Guillelmum Facciottum.  
M. DC. VIII.













61.

